

# REFERAT Kommunalbestyrelsi d. 28-08-2024

**Mødedato** Onsdag d. 28. august 2024 kl. 16:00

**Mødested** Kommunalbestyrelsip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Tunuarluni ilaasortaajunnaavinneq kiisalu Kommunalbestyrelsimut ilaasortanngorneq.....	7
Ukkusissap Kangilequtaatigut aqutissaliorneq.....	10
Inissiaqarfimmi ulloq unnuarlu angerlarsimaffik – Isaajap Aqqutaa, Nuuk.....	13
Terianniarniarneq pillugu ilisimatitsissut.....	16
2024-mut missingersuutit pillugit isummaqatigiissummi anguniakkanut takussutissiaq.....	19
Ivittuuni Aatsitassanik Mineralinillu Katersugaasiviup pilersinneqaqqinnera.....	21
2023-mut ukiumoortumik naatsorsuutit – inaarutaasumik naatsorsuutit kukkunersiuisut oqaaseqaat.....	24
Missingersuutini nakkutilliineq – Ilassutitut aningaasaliissutissanik tulleriarineq 1.....	28
Kommunalbestyrelsimut Aqutsinermi Ileqqoreqqusaq.....	32
Inuusuttut Kommunalbestyrelsiata innersuussutaa: 7. klassimit 10. klassimut atuartut kingusinnerus.....	34
Inuusuttut Kommunalbestyrelsiata innersuussutaa: Qeqertarsuatsiaani sunngiffimmi sammisassaqa.....	37
Inuusuttut Kommunalbestyrelsiata innersuussutaa: Ataatsimoorfiit pitsaasut, ineriartortitsiviusumik.....	39
Meeraaqqerivimmi Meeqqami inimik matusineq - Paamiut.....	42
Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera.....	45
Ulloq naallugu atuarfiup Ineriartortinnissaanut Allinissaanullu najoqqutarineqartussat allaaserineri.....	48
Pilersitsiviup pilersinneqarnera.....	52
Suliffeqarnermut suliniutaasunik neqeroorutini allanngortitsineq.....	55
Piffissap ilaannaanik atuinermut pilersaarut pillugu siunnersuut.....	59
Oqaluuserisassanut tapiliussaq: Inuusuttut Kommunalbestyrelsiata innersuussutaa: Pimmatiginnitta.....	63
Lukket.....	66
Lukket.....	67
Lukket.....	68
Lukket.....	69
Lukket.....	70
Imaqarniliap akuerineqarnera.....	71

## **Punkt .: Saqqaa**

### **Ilaasortat**

Avaaraq Olsen (IA)  
Charlotte Ludvigsen (IA)  
Juaaka Lyberth (IA)  
Uju Petersen (IA)  
Inge Olsvig Brandt (IA)  
Naya-Sophia Lyberth (IA)  
Lone Rosengreen Pedersen (IA)  
Harald Bianco (IA)  
Justus Hansen (D)  
Poul Petersen (D)  
Dorthe-Marie Mogensen-Fontain (S)  
Peter Davidsen (S)  
Mala Høy Kûko (S)  
Laura Táunâjik Uitsatikitseq (S)  
Dines Mikaelson (S)  
Doris J. Jensen (S)  
Ken Madsen (N)  
Emanuel Nûko (N)  
Storm Ludvigsen

### **Beslutning**

#### **Ataatsimeeqataasut:**

Avaaraq Olsen (IA)  
Charlotte Ludvigsen (IA)  
Juaaka Lyberth (IA)  
Uju Petersen (IA)  
Inge Olsvig Brandt (IA)  
Naya-Sophia Lyberth (IA)  
Lone Rosengreen Pedersen (IA)  
Justus Hansen (D)  
Poul Petersen (D)  
Dines Mikaelson (S)  
Storm Ludvigsen (S)  
Finn Karlsen (N)  
Ane Egede Mathæussen (S), Peter Davidsen-imut sinniisuuvoq (S)  
Angutimmarik Hansen (S), Doris J. Jensen-imut sinniisuuvoq (S)

#### **Attaveqaatitigut peqataavoq:**

Harald Bianco (IA)  
Dorthe-Marie Mogensen-Fontain (S)  
Laura Táunâjik Uitsatikitseq (S)  
Ken Madsen (N)  
Ingvar Motzfeldt (S), Mala Høy-Kûko-imut sinniisuuvoq (S)

#### **Ataatsimeeqataasinnaanatik nalunaartut:**

Peter Davidsen (S)  
Mala Høy Kûko (S)  
Doris J. Jensen (S)  
Ken Madsen (N)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

### **Bilag**

Orientering om Valgbarhedsnævnets Afgørelse 2024-1.docx

# Punkt .: Nalunaarutit

## Beslutning

### Borgmester Avaaraq Olsen (IA) nalunaarutai:

- Kapisilinnut angalanissaq kinguartinneqarsimasoq suli ullulerneqanngilaq.
- Nuummi isertitsiviup suleqatigineqarsinnaaneranut suliaq ingerlavoq. Takorluukkat tassaapput kommunip iluani suliarineqartartut isertitsivimmeersuniit suliarineqarsinnaanerata, taamaasiornikkullu isersitsivimmiittut inuiaqatigiinnut ikiuussinnaanerata utertitsiffiginnissinnaanerallu aqutissiuunneqassamat.
- Tunumi angalaqqammerpoq. Ataatsimiitamiit angalasimaneq pillugu nalunaaruteqartoqarumaarpoq.
- Arfinngormat ilaqutariinnut aqqissuussaq Aasarpalaaq Nuummi najukkami ataatsimiitiliaq peqatigalugu ingerlanneqarpoq. Aqqissuussineq iluatsilluartoq nalunaarutigineqarpoq.
- Peqqinnissaqarfimmiit septembarimi imigassaq pillugu sammisaqarnissamat aggersarneqarsimavoq.
- Nunaqarfinnut Periusissiaq tusarniaassutigineqassaaq 2-miit septembarimiit oktobarip 28-at ilanngullugu. Allaffeqarfimmiit nunaqarfinnut septembarip aammalu oktobarimi qaammataani angalasoqassaaq.

### Juaaka Lyberth-ip (IA), Inoqarfinnut Avatangiisinullu Ataatsimiititami siulittaasup, nalunaarutai:

Inoqarfinnut Isortumut, Dinideqilaamut, Kuummiunut, Sermiligaamut Kulusummullu IAA angalaqqammerpoq, ulluni 21-24 august. Ataatsimiititaliap susassaarfii – eqqaavissuit, ammeriviit, iliveqarfiit aamma angallateeqqanut sannaviit, Kuummiuni aalisakkanik nioqquutissiorfik, nunaqarfinnilu atassuteqaatit (puttasut, talittarfiit, aqqusernit, tummeqqat assigisaallu) takuniarneqarput, Nunaqarfinnilu aqutsisunik oqaloqatiginnissutigineqarlutik. Kommunitsinni inoqarfinni minnerusuni ineriartortitsinissamat periusissiaq 2024-2028 maanna tusarniaatigineqartoq nalerorluinnarlugu angalaneq pimmat iluarisimaarnarpoq.

Ataatsimiititaliap tamarmiusup siullermeerluni una angalaneq peqataaffigaa, majimi Illoqqortoormiuniikkatta ataatsimiititaliami ilasortat ilaannaat peqataammata. Borgmesterip angalaqatigimmatigut nuannaarutigaarput. Ataatsimiititaliaq tamaat sinnerlugu oqarsinnaangunarpuna, angalanerput iluatsilluartut nalileratsigu, nunaqarfitsinni pissutsinut paasisutissarpasuarunik pissarsingatta, angalanermillu nalunaarusiap naammassineqarnissaa qilanaaraarput. Atorfilittanut peqataasunut qujanaq, minnerunngitsumik Tasiilami nunaqarfiinilu kommunip sulisuinut, soorunalumi aamma qinikkanut nunaqarfinni aqutsisunut ilaasortanut.

### Inge Olsvig Brandt-ip (IA), Suliffeqarnermut Isumaginninnermullu Ataatsimiititami siulittaasup nalunaarutai:

#### Ippiarsummi sammisassaqtitsisarneq qanittumi ammaqjissaaq

Utoqqarnik suliaassaqarfimmi aqutsisooqatigiit Ippiarsummi sammisassaqtitsisarneq qanittumi ammaqjissasoq nalunaarutigaat, ulluali qaqugu pissanersoq suli aalajangiunneqanngilaq. Naatsorsuussamat nutarterineq annertunerusimavoq.

#### Angerlarsimaffimmi Ikiorteqarfimmiut innuttaasut namminerisamik angerlarsimaffiini saaluallannik naammattuuisarput.

Utoqqarnik suliaassaqarfimmit utoqqaat namminneq angerlarsimaffimmini najugallit angersimaffimmi ikiorteqartartut akornanni saaluallannik ajornartorsiuteqartoqartartoq naammattoorneqartarpoq. Uumasunik ajoqutaasinnaasunik naammattuuinermi angerlarsimaffimmi ikiorteqartarneq unitsinneqarallartarpoq, uumasut akornutaasinnaasut angerlarsimaffinnut allanut tuniluutinnginnissai pillugu. Inissiaatileqatigiiffiup INI A/S-ip saaluallannik piiaaneq pingaartippaa, Utoqqarnik suliaassaqarfimmiillu Inissiaatileqatigiiffiup Iserit A/S-ip assinganik taamaaliornissaa neriuutigineqarpoq.

#### Isumaginninnermi teknologiimik aamma puigortunngortunut paaqqinniffimmik ukkassineq

Utoqqarnik suliaassaqarfimmi aqutsisooqatigiit septembarip qaammataani isumaginninnermi teknologii aamma puigortunngortunut paaqqinnittarfinnik ineriartortitsinissamat periarfissanik paasisaqarneruniarlutik Danmarkimut angalassapput.

### Poul Petersenip (D), Meeqqanut, Ilaqutariinnut Atuarfeqarnermullu Ataatsimiititami siulittaasup nalunaarutai:

Atuarfik Inussuk atualertussanut piareerneqanngimmat atuarfitoqqani marlunni atualertoqarnissaa aalajangerneqarpoq. Atuaqatigiikkaat nutaamik katiterneqarnerat allannngortinneqanngilaq, taamaalilluni atuaqatigiilertussat

aallarteqatigiisinnearlutik. Atualertoqarnissaa qanillisoq allannguisoqarneranut suleqataasimasunut tamanut periarfissaq una atorlugu qujarusuppunga.

Angajoqqaarsialerisut Oqartussaaffeqarfimmut uteqqissapput, taamaalilluni qaninnerusumik, pitsaannerusumillu suleqatigiinneq aamma pitsaannerusumik pilertornerusumillu sullissineq qulakkeerneqarsinnaaqullugit.

Angajoqqaarsialerinerimik suliaqartarnek Nuumminngaanniit Tasiilamut nuunneqassaaq. Qaninnerusumik pitsaannerusumillu suleqatigiinneq aamma pitsaannerusumik pilertornerusumillu sullissineq qulakkeerneqarsinnaaqullugit. Kiisalu siammarterinissaq pillugu.

# **Punkt 1: Tunuarluni ilaasortaajunnaavinnerq kiisalu Kommunalbestyrelsimut ilaasortanngorneq**

## **Beslutning**

Ilisimatitsissut tusaatissatut tiguneqarpoq.

## **Bilag**

Orientering om Valgbarhedsnævnets Afgørelse 2024-1.docx

## Tunuarluni ilaasortaajunnaavinneq kiisalu Kommunalbestyrelsimut ilaasortanngorneq

Emanuel Nûkop (N) ilaasortaajunnaavinnera, Finn Karlsenip (N) ilaasortanngornera

Ilisimatitsissut

SagsID.: EMN-2023-03947

Suliffeqarfimmut Kiffartuussivik – Kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

1. Emanuel Nûkop tunuarluni ilaasortaajunnaavinneranut aalajangerneranik ilisimatitsissut tusaatissatut tiguneqassasoq
2. Finn Karlsenip ilaasortanngornera tusaatissatut tiguneqassasoq

### Suliassamik saqqummiussineq

Kalaallit Nunaanni Namminersorlutik Oqartussat Nunamut Namminermut Immikkoortorta qarfiata qinersinermut siulersuisut ulloq 18. juuli 2024 Qinigaasinnaassuseq Pillugu Ataatsimiititaliami ulloq 4. juuli 2024 Emanuel Nûkop (N) qinigaasinnaanera pillugu aalajangiisoqarpoq. Imatut aalajangiisoqarpoq, Emanuel Nûkop qinigaasinnaatitaanini annaagaa taamaattumillu Kommuneqarfik Sermersuumi Kommunalbestyrelsimi ilaasortaasinnaangitsoq.

- Kommunalbestyrelsinut, nunaqarfinni siulersuisunut ilagiillu sinnisaannut qinersisarnerit pillugit Inatsisartut inatsisaat nr. 27, 28. november 2016-imeersumi § 5 naapertorlugu aalajangiisoqartoq ilisimatitsissummi allaqqavoq.

§ 5. Kommunalbestyrelsimut qinigaasinnaatitaavoq kinaluunniit § 1 imaluunniit § 2 naapertorlugit tassunga qinersisinnaatitaasoq, pineqartoq ukiut kingullit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimanngikkuni imaluunniit ukiut kingullit pingasut ingerlaneranni pissutsimut nalinginnaasumik isigineqarnermi kommunalbestyrelsimut ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimanngikkuni. *Piffissaliussat taaneqartut ullormit qinersivimmiit atuutissapput.*”

Qinigaasinnaassuseq pillugu Ataatsimiititap aalajangiinera tunngavigalugu Emanuel Nûko Kommunalbestyrelsimut tunuavippoq.

Finn Karlsen Naleqqamut siullertut sinniisussaavoq. Allaffeqarfik ulloq 27. juuli 2024 Finn Karlsenimit (N) uppersaammik tigusaqarpoq, Kommunalbestyrelsimi ulloq 27. agusti 2024-mi atuutilersumik ilaasortaalersoq. Qinigaanermut inatsimmi § 54 imm. 3 *innersuussutigineqarpoq: Imm. 3. Ilaasortaq* qinigaaffiup iluani kommunalbestyrelsimut ilaasortaajunnaarpat, namminersorsinnaanermik inatsit naapertorlugu nammineersinnaajunnaarsitaappat imaluunniit toqukkat qimaguppat, pineqartup inassisimaffianut sinniisussa q ilanngutissaaq. *Tamanna aamma atuuppoq Qinigaasinnaassuseq pillugu Ataatsimiititaliaq aalajangiippat qinigaassanngortitaq qinigaq qinigaasinnaangitsoq.*

Emanuel Nûkop ilaasortaajunnaarneranut atatillugu inissamik inueruttumik inuttaliisoqassanngilaq.

### Ingerlatsivimmit aningaasatigut sulisoqarnikkullu naliliinerit

Finn Karlsen 27. agusti 2024-miit akissarsiaqarnissaminut pisinnaatinneqarpoq.

**Suliffeqarfimmut Kiffartuussivimmit aningaasatigut sulisoqarnikkullu naliliinerit**  
Pisariaqanngilaq.

**Inatsisitigut tunngavissaq allakkallu tunngaviusumik uppernarsaatillit**

- Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq

**Ilanngussat**

1. Qinigaasinnaassuseq pillugu Ataatsimiititap aalajangiinera pillugu ilisimatitsissut

## **Punkt 2: Ukkusissap Kangilequtaatigut aqqutissaliorneq**

### **Beslutning**

Ilisimatitsissut tusaatissatut tiguneqarpoq.

### **Bilag**

Nunataata assinga

Ansøgning Qamutit DK

Snescooterinut ileqqoreqqusaq



## Ukkusissap Kangilequtaatigut aqutissaliorneq

Ilisimatitsissut

SagsID.: BOG-2021-06118

Sanarfinermut Avatangiisinullu Ingerlatsivik – Søren Pedersen / SSKP

### Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsiviup matumuuna Qamutit Ammukariami aqut pillugu siunnersuut saqqummiuppa.

Ingerlatsivimmit qamuteralaatileqatigiit Qamutit qinnuteqaataa tiguaa, taakku Ukkusissap Kangilequtaata avannaata tungaani aqquiliornissamik kissaateqarput. Aqutip Nuummi innuttaasunut Nuup timaata tikikkuminarnerulernissaa aamma sammisassanut assigiinngitsunut siunertarivaa, taakkununga qamuteralammik ingerlaarneq, pisunneq ilaalu ilanngulluggit ilaapput. Pilersaarutaavoq ukiumi apummi illiniliortoqartarnissaa illiniliuutit atorlugit. Inissisimanagera pillugu ilanngussa 1 takujuk. Qaarsumik 270 - 300 m<sup>2</sup>-imik qaartiterisoqarnissaa qinngutigineqarpoq. Qaartiterneqartussa 6x30 m-inik takissuseqassaaq, talerpiani 2 meterit missiliorlugit portutigisoq saamiatalu tungaani 1 meterip missaaniittoq. Qaartiternerlukut aqqusiniliornermut aamma atorneqassapput. Kommunimut pilersaarummi taamatut periarfissaqartitsisoqanngimmat siunnersuut sapaatip akunnerini 6-ini tamanut tusarniaassutigineqassaaq. Aqut atorneqarusuttoq taannaavoq ukiut 30-40-t matuma siornatigut qamuteralannik nutaannngitsunit atorneqartartuavoq. Ammukariaq ullumikkut aqutitut atorneqartarpoq. Taanna sivinganeruvoq qummukarfigalugulu ajornakusoornerusinnaavoq. Assit takujumallugit ilanngussa 1 takuuk.

Ammukariakkut aquteqalernissaa kikkunnut tamanut, aamma SAR-eqartoqartillugu, qummut amnullu qamuteralannik ingerlaffigineqarsinnaalissasoq Qamutit naliliivoq. Pilersaarutigineqartoq NSP-spor/trace udvalgimit, Sisorarfinniit/majuartaatinit tapersorsorneqarpoq. Ujakkarfik annertuumik allineqarsinnaavoq timersornermillu aqqissussanut atorneqarsinnaalluni. Pilersaaruseriorfiusumut assartuinermit atatillugu avatangiiseq mianerineqartussaavoq, tamanna Qamuteralaat pillugit ileqqoreqqusani allaaserineqarpoq aamma ilanngussa 3-mi takutinneqarpoq.

### Ingerlatsivimmit aningaasatigut sulisoqarnikkullu naliliinerit

Siunnersuut aningaasatigut sulisoqarnikkullu kinguneqarnaviannngilaq, qinnuteqartumit akilerneqartussaammat.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)
- Namminersorlutik Oqartussat qamutit motorillit pillugit nalunaarutaat



- Nunaannarmi kiisalu illoqarfiit nunaqarfiillu killeqarfiini assartuutini motorinik ingerlatilinnik atuineq pillugu ileqqoreqqusaq.

### **Siusinnerusukku aalajangiinerit**

*Illoqarfimmik Ineriartortitsinermut Sanaartormullu Ataatsimiititaq, 08.08.24:*

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartormullu Ataatsimiititamut inassuteqaatigineqarpoq:

1. aqutiliorneq pillugu siunnersuut sapaatip akunnerini 6-ini tamanut tusarniaassutigineqarnissaa akuerineqassasoq
2. suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq, ima oqaaseqaatitalerlugu: Ajornanngippat tunisarniaassuseqarneq sapaatip akunnerinik sisamanik sivissuseqassasoq.

*Aningaasaqarnermut Inuussutissarsiornermullu Ataatsimiititaq, 19.08.24:*

Illoqarfimmik Ineriartortitsinermut Sanaartormullu Ataatsimiititamut Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. aqutiliorneq pillugu siunnersuut sapaatip akunnerini sisamani tamanut tusarniaassutigineqarnissaa akuerineqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### **Ilanngussaq**

1. Nunataata assinga
2. Ansøgning Qamutit DK
3. Snescooterinut ileqqoreqqusaq

## **Punkt 3: Inissiaqarfimmi ulloq unnuarlu angerlarsimaffik – Isaajap Aqqutaa, Nuuk**

### **Beslutning**

Ilisimatitsissut tusaatissatut tiguneqarpoq.

### **Bilag**

Ulloq unnuarlu angerlarsimaffiup nalunaarsornera

Nuummi B-1752-ip atornerarnerata allanngortinnissaanut qinnuteqaat pillugu eqqaamiunik tusarniaaneq



## Inissiaqarfimmi ulloq unnuarlu angerlarsimaffik – Isaajap Aqqutaa, Nuuk

Atuinerup allangortinnissaanut qinnuteqaat

Ilisimatitsissut

SagsID.: BOG-2021-03166-003

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Nuummi inissiaqarfimmi (immikkoortoq A) illup atorneqarnerata allangortinnissaa pillugu qinnuteqaat ingerlatsivimmit tiguneqarpoq. Isaajap Aqqutaa 16-imi, B-1752-imi ulloq unnuarlu angerlarsimaffik 21-02-2022-miit 21-02-2024-mut nunaminertamik atuinissamut kingullermik piffissaliunneqartoq KT-Ejendomme Nuuk A/S-imit ingerlanneqarpoq. Najukkami pineqartumi ulloq unnuarlu angerlarsimaffiup 20/3-2024-miit killeqanngitsumik atuutilernissaanut qinnutigineqarpoq.

Qinnuteqaat Sanarfinermut Avatangiisinullu Ataatsimiititami ulloq 08.03.2021-mi siullermik oqaluuserineqarpoq. Ulloq 14.09.2021-mi ataatsimiinnermi ataatsimiititami aalajangiunneqarpoq: *”Suliffeqarfiup takusarneqareernerani, suliffeqarfik soorlu nipiliornerunikkut artukkerneqarlunilu angallaffiunikkut eqqaamiunut akornusersuiffiunngitsaq, kiisalu biiliniq unittarfinnik amerlanerusunik pisariaqartitsiffiussanngitsaq nalilerneqarpoq, taamaattumillu suliffeqarfik kommunalbestyrelsimi inissiaqarfittut akuersissuteqarfigineqarnissaminut piumasaqaatinik naammassinnilluni.”*

Qinnuteqartup maanna ulloq unnuarlu angerlarsimaffimmut nunaminertamik killiligaanngitsumik atugassinneqarnissaq qinnutigaa qinnuteqaannilu ima nassuiaaserlugu:

1. Inuusuttut 13-it 18-illu akornanni ukiullit najugaqartussaapput
2. Ullukkoortut unnukkoortullu marlukkaartartussaapput unnuarsiortorlu ataasiusartussaalluni
3. Meeqqat atuartuupput
4. Suliffeqarfiup kingunerisaanik angallattoqarnerulernaviangilaq
5. Suliffeqarfiup kingunerisaanik biiliniq uningasarfissanik pisariaqartitsinerusoqarnaviangilaq

### Eggaamiunik tusarniaaneq

Eqqaamiunik tusarniaasoqarnikuvoq kingornalu akerliliissutitut tiguneqartut tunngavigalugit ukiunik marlunnik sivilissusilikkamik immikkut akuersissuteqarallartoqassasoq aalajangiunneqarnikuvoq. Najukkami pineqartumi killiligaanngitsumik atuinissamut akuersissummut aporfusinnaasunik ukiut kingulliit marluk ingerlanerini pisoqarsimangilaq.

Isaajap Aqqutaa 16-imi piffissamik killilikkap ulloq unnuarlu angerlarsimaffimmut killeqanngitsumut allangortinnissaanut qinnuteqaammut atatillugu ingerlatsivimmiit eqqaamiunik qaninnerpaaniittunik tusarniaaneq ingerlanneqaqqippoq. 2024-mi maajip ulluisa arfineq-pingajuanniit 2024-mi maajip ulluisa 24-annut tusarniaasoqarpoq. Tusarniaanermi akissutinik ingerlatsivimmi tigusaqanngilagut.



### Kommunimut pilersaarut

Taamatut illuliarineqarnerata isikkua qanorlu issusaata atorneqarnera ulloq unnuarlu angerlarsimaffinngortinnerani allannngortinneqarnaviangilaq.

Kommunimut pilersaarummi immikkoortup ilaa 1A6-imi Qaqortoq & Avannarliit, Nuummi ulloq unnuarlu angerlarsimaffimmik ataatsimik nalunaarsorsimasoqarpoq, taannalu Ulineq 2, B-1271-imiippoq.

Ingerlatsiviup naliliinera naapertorlugu immikkoortumi suliffeqarfeqalenera immikkoortup inissiaqarfittut suussusaa allannngortinngikkaluarlugu pisinnaavoq.

### **Ingerlatsivimmit aningaasatigut sulisoqarnikkullu naliliinerit**

Inissiamiit ulloq unnuarlu angerlarsimaffimmik allannngortitsineq aningaasatigut sulisoqarnikkulluunniit kinguneqarnaviangitsoq ingerlatsivimmiit nalilerneqarpoq.

### **Suliffeqarfimmik Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkat aalajangiinerit**

*Illoqarfimmik Ineriartortitsinermut Sanaartornermullu Ataatsimiititaq, 08.08.24:*

Sanarfinermut Avatangiisinullu Ingerlatsivimmit Illoqarfimmik Ineriartortitsinermut Sanaartornermullu Ataatsimiititamut inassuteqaatigineqarpoq:

1. inissiap atorneqarnerata ulloq unnuarlu angerlarsimaffimmik allannngortinneqarnissaanik qinnuteqaat akuersissutigineqassasoq
2. suliaq ilisimatitsissutitut Aningaasaqarnermut Inuussutissarsiornermullu Ataatsimiititamut kingornalu Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

### **Siusinnerusukkat aalajangiinerit**

*Aningaasaqarnermut Inuussutissarsiornermullu Ataatsimiititaq 19.08.24:*

Ilisimatitsissut tusaatissatut tiguneqarpoq.

### **Ilanngussaq**

1. Ulloq unnuarlu angerlarsimaffiup nalunaarsornera
2. Nuummi B-1752-ip atorneqarnerata allannngortinnissaanut qinnuteqaat pillugu eqqaamiunik tusarniaaneq

## **Punkt 4: Terianniarniarneq pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

## Terianniarniarneq pillugu ilisimatitsissut

Ilisimatitsissut

SagsID.: EMN-2024-00956

Sanarfinermut Avatangiiisnullu Ingerlatsivik – pisortaq Søren Pedersen / SSKP

### Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Kommunalbestyrelse 2023-mi novembarip 21-anni ataatsimiinnermini 2024-mi terianniaqassutsimik nalimmassaaniarnermut atugassanik kr. 250.000-inik aningaasaliissuteqarpoq.

Ukiuni kingullerni Nuup Paamiullu eqqaanni tuttut sarcocysteremik nappaalalersimapput. Tassunga tunngatillugu terianniaqarpallaalersimaneq tunngavilersuutigineqarluni, ajornartorsiutinngorsimasorlu, perlerortunik arlaleriarluni naammattuuisoqartarsimavoq, tamatumalu takutippaa terianniaqarpallaalersimasoq. Terianniaqassutsimik nalimmassaasinnaanerp periarfissaatinneqarnissaanut tunngasoq Kommuneqarfik Sermersuup Piniarnermut Aalisarnermullu Naalakkersuisoqarfimmut ulloq 2024-mi februaarip 26-anni saaffiginnissutigaa. Kommune Naalakkersuisoqarfimmiit akissummik ulloq marsip 7-ianni 2024 tigusaqarpoq, tassanilu Naalakkersuisoqarfimmiit maluginiaqquneqarpoq, Teriannissanik illersuineq piniarnerlu pillugit Namminersorlutik Oqartussat nalunaarutaat nr. 14, 18. oktober 2019-imeersoq naapertorlugu terianniarniarneqarsinnaanera.

Akuerisaasumik terianniarniarsinnaaneq piffissami septembarip 15-ianniit maajip 15-iannut atuuppoq.

Teriannissat piffissami maajip 15-ianniit septembarip 15-iannut eqqissisimatitaasarput.

Aammattaaq nalunaarummi paragraf 8-mi kommunalbestyrelse pisinnaatinneqarpoq, maleruaqqusanik iluarsissuteqarluni allanik aalajangersaasinnaasoq kiisalu terianniartarnermut immikkut maleruaqqusaliorsinnaasoq. Kommuneqarfik Sermersooq kommunimi maleruaqqusanik taamaattunik aalajangersaanikuunngilaq.

Teriannissanik tunisisinnaanermut maleruaqqusassanik aamma suleriesissanik ingerlatsivik suliaqarnikuuvoq.

Marsip ulluisa 21-anni 2024-mi ingerlatsivimmiit tamanut saqqummiunneqarpoq, maajip 15-iat 2024 tikillugu teriannissanik tunisisoqarsinnaalertoq.

Teriannissat maajip 15-iat tikillugu pisarineqartut naatsorsorneqarnerini 163-inik amerlassuseqarput, imalu agguataarneqarsimallutik:

Paamiut	teriannissat 2.
Arsuk	teriannissat 2.
Nuuk	teriannissat 97.
Qeqertarsuatsiaat	teriannissat 47.
Kapisillit	teriannissat 15.

Taakku saniatigut terianniaq ataaseq perlerortuuneranik pasinarmat Paamiuniit nassiunneqarpoq.

Teriannissanik tunisisinnaaneq septembarip 15-ianniit periarfissaaleqqissaaq, decembarillu 31-ata tungaanut atuutissalluni.

**Ingerlatsivimmit aningaasatigut sulisoqarnikkullu naliliinerit**

Teriannissanik 1.000-inik pisaqartoqarnissaanut aningaasaliissuteqarpoq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatiillit**

- Teriannissat illersorneqarnerat aamma piniagaanerit pillugit Namminersorlutik Oqartussat nalunaarutaat

**Siusinnerusukkut aalajangiinerit**

*Inoqarfinnut Avatangiisinullu Ataatsimiititaq, 07.08.24:*

Ilisimatitsissut tusaatissatut tiguneqarpoq.

**Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 19.08.24:*

Ilisimatitsissut tusaatissatut tiguneqarpoq.

**Ilanngussat**

Soqanngilaq.

## **Punkt 5: 2024-mut missingersuutit pillugit isummaqatigiissummi anguniakkanut takussutissiaq**

### **Beslutning**

Ilisimatitsissut tusaatissatut tiguneqarpoq.

### **Bilag**

2024-mut missingersuutit pillugit isumaqatigiissummit anguniakkat

2024-mut missingersuutit pillugit isumaqatigiissut



## 2024-mut missingersuutit pillugit isumaqatigiisummi anguniakkanut takussutissiaq

Ilisimatitsissut

SagsID: EMN-2023-00238

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- ilisimatitsissut tusaatissatut tiguneqassasoq

### Suliassamik saqqummiussineq

Pisortaqaatigiit Allatseqarfiat missingersuutit pillugit isumaqatigiisummi anguniakkanut takussutissamik suliaqarput, allaffissornikkut akisussaaffik taakkulu killiffiitut tunngasut tassaniimmata. Aningaasaqarnermut Inuussutissarsiornermullu Ataatsimiititaq aamma Kommunalbestyrelsi missingersuutit pillugit isumaqatigiisummi anguniakkanut killiffimmik kvartalikkaarlugit ilisimatinneqartassapput.

Matumani takussutissami 2024-mut missingersuutit pillugit isumaqatigiisut tunngavigineqarpoq.

Takussutissaq erseqqarinnerusoq anguniakkallu ataasiakkaat allaaserineqarnerat ilanngussaq 1-imi takuneqarsinnaapput.

### Ingerlatsivimmit aningaasatigut sulisoqarnikkullu naliliinerit

Sulisut atorfeqareersut suliamut ingerlatsinerannik piffissaq atorneqartoq aningaasartuutaasussatuaavoq.

### Suliffeqarfimmut Kiffartuussivimmit aningaasatigut sulisoqarnikkullu naliliinerit

Pisariaqanngilaq.

### Inatsisitigut tunngavissaq allakkallu tunngaviusumik uppersaatillit

- o 2024-mut missingersuutit pillugit isumaqatigiisut

### Siusinnerusukkut aalajangiinerit

*Aningaasaqarnermut Inuussutissarsiornermullu Ataatsimiititaq, 19.08.24:*

Ilisimatitsissut tusaatissatut tiguneqarpoq.

### Ilanngussat

1. 2024-mut missingersuutit pillugit isumaqatigiisummit anguniakkat
2. 2024-mut missingersuutit pillugit isumaqatigiisut

## **Punkt 6: Ivittuuni Aatsitassanik Mineralinillu Katersugaasiviup pilersinneqaqqinnera**

### **Beslutning**

Ilisimatitsissut tusaatissatut tiguneqarpoq.

### **Bilag**

B-56 - C-overslag



## Ivittuuni Aatsitassanik Mineralinillu Katersugaasiviup pilersinneqaqqinnera

Nutarterneqarnissaanut pisariaqarnera pissutigalugu pilersinneqaqqinnissaanik kinguaattoorneq

Ilisimatitsissut

SagsID.: EMN-2024-02044

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Innersuussut

Aningaasaqarnermut Inuussutissarsionermullu Ataatsimiititamit Kommunalbestyrelsimut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

2022-mi ukiakkut Kommunalbestyrelsimut 2023-mut missingersuutit aappassaaneernerisa ilaattut Ivittuuni Aatsitassanik Mineralinillu Katersugaasiviup Paamiuni illumi B-56-imi pilersinneqaqqinnissaa akuerineqarpoq.

Tassunga 1.500.000 koruunit aningaasaliissutigineqarput, matumani pilersinneqaqqinnissaanut 1.000.000 koruunit atorneqassallutik aamma ingerlanneqarneranut ukiumut aningaasartuutit 500.000 koruunit atorneqassallutik. 2023-p naanerani pilersinneqaqqinnissaanut 1.000.000 koruunit sulii atorneqarsimangillat.

Suliaq saqqummiunneqarmat, illu B-56 aserfallatsaalineqarsimasutut saqqummiunneqarpoq. Kingornatigut paasinarsivoq illu nutarsagassaasoq.

Juuni 2024-mi illu B-56-i nalilersorneqarpoq, taassuma takutippaa, illup annertuumik nutarterneqarnissaa pisariaqartoq. Tamatuma saniatigut missingiut-C-ip takutippaa, 1.000.000 koruunit immikkoortinneqarsimasut katersugaasiviup pilerseqqinneqarnissaanut matussusiisinaanngitsut. Pilersitseqqiinnissamut nutarterinissamullu katillugit 5.353.424 koruunit pisariaqartinneqarput.

Nutarterinissap ilaatigut imarai:

- 1. salimiit allerpaamut majuartarfinnik qimaaffissianik pilersitsisoqarnissaa, 2. sali toqqorsivittuinnaq atorneqassaaq
- inimi allerpaami kaassuartakkanik atuisunut perusuersartarfik pilersinneqarnissaa kiisalu 1. salimi perusuersartarfiit marluk
- Torsuusaq nutaaq kaassuartakkanik atuisunut majorallaffissialik suliarineqassaaq

Illu atulissaguni katersugaasivittullu atulissaguni 5.353.242 koruuninik aningaasaliissutinik pisariaqartitsissaaq, taakku 2025-mut Missingersuummut qinnutigineqarumaarput.

### Ingerlatsivimmit aningaasatigut sulisoqarnikkullu naliliinerit

Siunnersuut naammassineqassappat illu oqaluttuarisaanermut pingaarutilik ataannartinnissaanut iluaqutaassaaq taamaalillunilu Nunatta oqaluttuarisaanerani eriagisassat pingaarutillit ilaannik ingerlatitseqqeeqataalluni. Illumik nutaamik sananani illumik pioreersumik nutarterineq aningaasaqarnikkut avatangiisillu tungaatigut piujuartitsinerusumik aaqqiinermik kinguneqarsinnaavoq.

Ingerlatsivimmit illumik nutarterinissamut aningaasaliissutinik immikkoortitsisoqarnikuunngilaq.

## **Suliffeqarfimmut Kiffartuussivimmit aningaasatigut naliliineq**

Allanik oqaaseqaatissaqanngilaq taamaallaat 2025-mut missingersuutitut aningaasaliissutiniq qinnuteqartoqarmat B-56-ip nutarternissaanut aningaasartuutit matussusernissaannut

## **Inatsisitigut tunngavissaq allakkallu tunngaviusumik uppersaatiillit**

- 2023-mut missingersuutit - Kommuneqarfik Sermersooq

## **Tidligere beslutninger**

*Udvalg for Økonomi og Erhverv, 19.08.24:*

Meeqqanut Atuarfeqarnermullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. pilersaarutip suliarinerata ingerlateqqinneqarnissaa akuersissutigineqassasoq aamma 2025-mut 5.353.424 koruuninut missingersuutitut siunnersuusiortoqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

## **Ilanngussaq**

1. B-56 – C-overslag

## **Punkt 7: 2023-mut ukiumoortumik naatsorsuutit – inaarutaasumik naatsorsuutit kukkumersiuusut oqaaseqaataannik imallit akuersissutiginerat**

### **Beslutning**

Inassuteqaat akuersissutigineqarpoq.

### **Bilag**

2023-mut ukiumut nalunaarusiaq

Ukiumut nalunaarusiamut ilanngussaq 1 – 2023-mut Ingerlatsinermut naatsorsuutitut oqaaseqaatit

Ukiumut nalunaarusiamut ilanngussaq 2 – 2023-mut Sanaartugassanut Iluarsagassanullu Aningaasaateqarfimmut nassuiaat

2023-mut kukkumersiuusut nalunaarutaat

Nassuiaat - 2023-mut kukkumersiuusut oqaaseqaataasa akissuteqarfiginerat

Kukkumersiuusut nalunaarutaat - 2023-mut namminersorlutik oqartussat suliassa qarfiinik kukkumersiuineq pillugu



## **2023-mut ukiumoortumik naatsorsuutit – inaarutaasumik naatsorsuutit kukkunersuiusut oqaaseqaataannik imallit akuersissutiginerat**

Aalajangiiffigisassaq

SagsID.: EMN-2023-03264

Suliffeqarfimmut Kiffartuussivik - vicekommunaldirektøri Marie Fleischer / MAFL

### **Inassuteqaat**

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. 2023-mut ukiumoortumik naatsorsuutit (ilanngussat 1-3) akuersissutigineqassasut
2. 2023-mut kukkunersuiusut nalunaarutaat tusaatissatut tiguneqassasoq (ilanngussaq 4)
3. kukkunersuiusut nalunaarutaannut akissutitut nassuiaat tusaatissatut tiguneqassasoq (ilanngussaq 5)
4. 2023-mut namminersorlutik oqartussat suliassa qarfiini kukkunersuiuinermit tunngatillugu kukkunersuiuinermit nalunaarusiaq tusaatissatut tiguneqassasoq (ilanngussaq 6)

### **Suliassamik saqqummiussineq**

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq kingusinnerusukkut allannguutitaqartinneqartoq naapertorlugu Aningaasaqarnermut Inuussutissarsiornermullu Ataatsimiititaq kommunimi naatsorsuutiniq Kommunalbestyrelsimut saqqummiussaqaassaaq.

Naatsorsuutininut siunnersuut (ilanngussat 1 - 3) BDO-mit kukkunersiorneqarpoq, kukkunersuiusorlu oqaaseqaatiminik inerniliinerminillu saqqummiussivoq. Tamatuma kingorna Aningaasaqarnermut Inuussutissarsiornermullu Ataatsimiititaq kommunip inaarutaasumik naatsorsuutai kukkunersuiusut nalunaarutitaannik ilallit akissutitullu nassuiaatitallit Kommunalbestyrelsimut inaarutaasumik akuersissuteqartussamut saqqummiutissavai. Tamatuma kingorna Naalakkersuisunut pisortatigoortumik nassiunneqassapput, inaarutaasumillu akuersissutigineqarnerinit kingusinnerpaamik ullut 14-it qaangiuppata kommunip nittartagaatigut tamanut saqqummiunneqassapput.

### **Ingerlatsivimmit aningaasatigut sulisoqarnikkullu naliliinerit**

Ukiumi angusani 241,2 mio. koruuninik sinneqartooruteqartoqartoq takuneqarsinnaavoq, naatsorsuutini sinneqartoorutissatut missingersuutaqqaarsimasut 155,5 mio. koruuniugaluartut, missingersuutinilu sinneqartoorutissatut iluarsissutit 162,4 koruuniullutik.

Ingerlatsinertaviani angusani 436,8 mio. koruuninik sinneqartooruteqartoqartoq takuneqarsinnaavoq, taavalu sanaartugassanit angusani 195,6 mio. koruuninik amigartooruteqartoqartoq/atuisoqarsimasoq takuneqarsinnaavoq, katillugit sinneqartoorutit 241,2 mio. koruuniullutik.

Sinneqartoorutit naatsorsuutigisanit 79 mio. koruuningajannik qaffasinnerunerannut pingaarnertut pissutaavoq, missingersuutini iluarsisani akileraarutinit akitsuutinillu isertitat 95 mio. koruuninik missingersuutaqqaartumit qaffasinnerummata.



Kommunip nammineq aningaasaatai aamma karsimiittuutai 2023-p naanerani 1.388,3 mio. kr.-upput aamma 436,9 mio. kr.-it (karsimiittuutit sinneqartooteqarfiupput). Taamaasillutik karsimiittuutit 2022-p naanerani sanilliullugit 418 mio. koruuninik qaafaateqarput/pitsanngoriaateqarput.

Pitsanngoriaammut pingaarnertut patsisaasut pingaarnertit tassaapput:

- Missingersuusiortarnermut inatsimmi aningaasartuutit annerpaaffilerneqarput, tamanna kommunip inerneranut pitsanngorsaataavoq.
- Peqatigitillugu isertitat 100 mio. koruunit missiliorlugit amerleriarput.
- NCD aamma Iserit kattunneqarneranut atatillugu taarsigassarsinerup aamma sanaartornermut taarsigassarsinerup kinguneraa tigorianaatit 170 mio. koruunit.
- Sanaartugassanut Iluarsagassanullu Aningaasaateqarfimmik pilersitsineq isumaqarpoq aningaasaateqarfimmi pilersaarutit naammassinissaannut aningaasat tigorianaassasut.

Aamma ukiumut naatsorsuutininut kiisalu kukkunersuiisut oqaaseqaataannut suliami ilanngunneqartunut innersuussuteqartoqarpoq makkuusunik:

1. 2023-mut ukiumut nalunaarussiaq
2. Ukiumut nalunaarussiaq 1 – 2023-mut Ingerlatsinerup naatsorsuutininut oqaaseqaatit
3. Ukiumut nalunaarussiaq 2 – 2023-mut Sanaartugassanut Iluarsagassanullu Aningaasaateqarfimmut nassuiaat
4. 2023-mut kukkunersuiisut nalunaarutaat
5. Nassuiaat - 2023-mut kukkunersuiisut oqaaseqaataasa akissuteqarfiginerat
6. 2023-mut namminersorlutik oqartussat suliaasaqarfiini kukkunersuiinermut tunngatillugu kukkunersuiinermi nalunaarussiaq tusaatissatut tiguneqassasoq

BDO kommunip kukkunersuiisoraana nutaaq. Deloitte kingorna suliamit tiguisuuvoq.

Kukkunersuiineq taamaalillugu 2023-mut naatsorsuutit immikkut isiginagit kukkunersiorneqarnerat oqaatigineqarpoq, tamannalu kukkunersuiisumit imatut nalilerneqarpoq, (Issuaaneq): *"Paasinninnerivarput, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq naapertorlugu suliaasoq."*

Kukkunersuiinermi oqaaseqaatit kukkunersuiinermi nalunaarussiaq 2.2.1 – 2.2.7-mi ersersinneqarput (ilanngussaq 4). Kukkunersuiisooq ukiup siuliani kukkunersuiinermi oqaaseqaatinik Deloitte-meersunit malinnaaviginnippoq. Ukiup siuliani oqaaseqaatigineqarsimasooq ataaseq 2023-mi matunneqarpoq allaffissornerup pitsaannguuteqarsimanera pissutigalugu taamaattumik kukkunersuiisooq annertunerusumik oqaaseqaatissaqanngilaq, ukiup siuliani oqaaseqaatigineqarsimasut tallimat 2024-mut ingerlateqqinneqarput, kukkunersuiisup 2023-p naanerani suli iluarsivigineqarsimanngitsutut nalilermagit.

2023-mut naatsorsuutini BDO kommunip naatsorsuusiortarneranut nutaamik ataatsimik oqaaseqaateqarpoq.

Allaffeqarfiup oqaaseqaatai akissutitut nassuiaammi (ilanngussaq 5) atuarneqarsinnaapput.



Ukiut siuliiniit allaanerusumik immikkut 2023-mut namminersorlutik oqartussat suliassa qarfiini kukkunersiuineq sularineqarpoq (ilanngussaq 6) Namminersornerullutik Oqartussat kommunini il.il. suliassa qarfiutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. august 1999-imeersoq naapertorlugit nalunaarusiaq sularineqarpoq.

Namminersorlutik oqartussat suliassa qarfiini kukkunersiuineq kukkunersiuinermi oqaaseqaateqarnissamut tunngaviliingilaq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit nalilernerqarpoq naatsorsuutit kukkunersiuisunit nalunaarusiartallit tamaat isigalugu eqqortuusut. Taamaammat inassuteqaat akuersissutigineqassasoq innersuussutigineqarpoq.

### **Inatsisitigut tunngavissaq allakkallu tunngaviusumik uppersaatiillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq kiisalu kingusinnerusukkut allannguutitalerlugu inatsisitalik
- Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq
- Namminersornerullutik Oqartussat kommunini il.il. suliassa qarfiutaasa kukkunersiorneqartarnerat pillugu Namminersornerullutik Oqartussat nalunaarutaat
- Kommunip Aqutsinermi Ileqqoreqqusai
- Kommunip piginnaatitaanermut pilersaarutaa

### **Siusinnerusukkut aalajangiinerit**

*Aningaasaqarnermut Inuussutissarsiornermullu Ataatsimiititaq, 19.08.24:*  
Inassuteqaat akuersissutigineqarpoq.

### **Ilanngussaq**

1. 2023-mut ukiumut nalunaarusiaq
2. Ukiumut nalunaarusiamut ilanngussaq 1 – 2023-mut Ingerlatsinermut naatsorsuutitut oqaaseqaatit
3. Ukiumut nalunaarusiamut ilanngussaq 2 – 2023-mut Sanaartugassanut Iluarsagassanullu Aningaasaateqarfimmut nassuiaat
4. 2023-mut kukkunersiuisut nalunaarutaat
5. Nassuiaat - 2023-mut kukkunersiuisut oqaaseqaataasa akissuteqarfiginerat
6. Kukkunersiuisut nalunaarutaat - 2023-mut namminersorlutik oqartussat suliassa qarfiinik kukkunersiuineq pillugu

## **Punkt 8: Missingersuutinik nakkutilliineq – Ilassutitut aningaasaliissutissanik tullerriiarineq 1**

### **Beslutning**

Dines Mikaelen (S) ataatsimiinnermut ilannguppoq (nal. 13.30).

Inassuteqaat akuersissutigineqarpoq.

### **Bilag**

Takussutissiaq tamarmiusoq

Ilassutitut aningaasaliissutit nuussinissallu tamarmiusut

Suliffeqarfimmut Kiffartuussivimmit qinnuteqaat

Suliffeqarnermut Isumaginninnermullu Ingerlatsivimmit qinnuteqaat

Meeqqanut Ilaqutariinnullu Ingerlatsivimmit qinnuteqaat

Meeqqanut Atuarfeqarnermullu Ingerlatsivimmit qinnuteqaat

Sanarfinermut Avatangiisinullu Ingerlatsivimmit qinnuteqaat

## Missingersuutinin nakkutilliineq – Ilassutitut aningaasaliissutissanik tullerriaarineq 1

Aalajangiiffigisassaq

SagsID.: EMN-2023-01436

Suliffeqarfimmum Kiffartuussivik - kommunaldirektøri Ole Jakobsen / OJAK

Suliffeqarfimmum Kiffartuussivik - vicekommunaldirektøri Marie Fleischer / MAFL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik – pisortaq Frederik Lundblad / FREL

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ilassutitut aningaasaliissutit katillugit -1.966.866 koruunit akuersissutigineqassasut
2. nuussinissat akuersissutigineqassasut, iliveqarfinnut siunertamit 09.03.05-imit Nukimmik pilersuineranut siunertamut 10.01.01-imut nuussineq minillugu

### Suliassamik saqqummiussineq

2024-mi ukiup affaani siullermi naatsorsuutit misissornerinut atatillugu Kommuneqarfik

Sermersuumi Ingerlatsivinnit siunertat assigiinngitsut nalilersorneqarput, matumani ingerlatsivinni ataasiakkaani missingersuutaasussani aaqqiissutissanik pisariaqartitsisoqarnersoq paasiniallugu.

Taamaattumik ingerlatsiviit ataasiakkaanik aningaasaliissuteqarnerunissaq pillugu kisianni aamma aningaasaliissutinin atunngitsuukkanik kommunip karsianut utertitsinissaq pillugu qinnuteqarput.

Ingerlatsivinnut ilassutitut aningaasaliissutit katillugit -0,1 mio. koruunit missaanniittut. Aningaasat imatut agguataagaapput:

Suliffeqarfimmum Kiffartuussivik -11,2 mio. kr.

Suliffeqarnermut Isumaginninnermullu Ingerlatsivik -7,2 mio kr.

Meeqqanut Ilaqutariinnullu Ingerlatsivik 14,0 mio kr.

Meeqqanut Atuarfeqarnermullu Ingerlatsivik 3,1 mio kr.

Sanarfinermut Avatangiisinullu Ingerlatsivik 1,5 mio kr.

Katillugit -0,1 mio. kr.

Aningaasaliinissamik pisariaqartitsineranut pingaarnertut pissutaasut

Suliffeqarfimmum Kiffartuussivik: Ingerlatsiviup ukioq manna -11,2 mio koruunit karsimut utertippai.

Aningaasaliissuteqarnerunissat ataasiakkaat pillugit soorlu IT-mut aningaasartuutit 16 mio. kr.-nit qinnuteqaatigineqarput. Taamaattoq missingersuutit annertunaarsimaneri pissutigalugu -20 mio.

koruunit karsimut utertinneqarput, ilassutitut aningaasaliissutinin missingersuutini sillimmateqarneq pissutigalugu. Tamanna taamaallaat ukioq mannamut atuuppoq.

Suliffeqarnermut Isumaginninnermullu Ingerlatsivik: Ingerlatsiviup ukioq manna -7,2 mio koruunit karsimut utertippai. Isumaginninnermut Suliffeqarnermullu Ingerlatsivimmi Oqartussaaffeqarfimmi

ukioq manna atorfiit inuttaqanngitsut amerlapput aammalu missingersuutinin aningaasaliissutinin utertitsinissaq kissaatigalugu, siunissami kommune Namminersorlutik Oqartussanut aammalu

ernineranut atatillugu ullormusianut aningaasartuutit 90%-inik pinnani 100 %-mik utertitsinissaminik qinnuteqaateqartussaana pissutigalugu.

Meeqqanut Ilaqutariinnullu Ingerlatsivik: 14 mio. koruuninik aningaasaliissuteqaqqittoqarnissaanik qinnuteqartoqarpoq. Aningaasaliissuteqartoqaqqinnissaanik qinnuteqaateqarnermut pissutaavoq paaqqinninersiutinut akigititap qaffanneqarnera aammalu meeqqanut innarluutilinnut aningaasartuutit qaffakkiartuinnarsimanagerat. Ornittakkap aamma Toqqissisimanissaq pillugu angalaaqatigiittartut missingersuutaat ikinaarneqarsimapput taamaasillunilu aningaasaliissuteqaqqittoqarnissaa qinnuteqaatigineqarpoq.

Meeqqanut Atuarfeqarnermullu Ingerlatsivik: 3,1 mio. koruuninik aningaasaliissuteqaqqittoqarnissaanik qinnuteqartoqarpoq.

Sanarfinermut Avatangiisinullu Ingerlatsivik: 1,5 mio. koruuninik aningaasaliissuteqaqqittoqarnissaanik qinnuteqartoqarpoq. Piffissami matumani upalungaarsimasut nukissanik pisariaqartunik peqanngillat upalungaarsimanermut pilersarusiorneq pisariaqartoq suliarisinnaajumallugu, inatsisitigut piumasaqaataasumik upalungaarsimanermik ingerlatsinissaq kiisalu ikuallattoornissamik pinaveersaartitsineq ilanngullugit ukkatarinninnermik isumaginnittussaaneq aamma pissutigalugit.

### **Ingerlatsivimmit aningaasatigut sulisoqarnikkullu naliliinerit**

Kommunip atuineranik misissuinerup takutippaa, aaqqiissutit akuerineqanngippata ukiuni tulliuuttuni missingersuutit maanna kommunip aningaasaqarnikkut inissisimaneranut naapertuukkunnaassasut. Ilassutitut aningaasaliissutit akuersissutigineqarsimasut akuersissutigineqassappata kommunip siunertami 2 - 16 aningaasaliissutai tamakkiisut 2.231.485.430 koruuniussapput. Missingersuusiordermi inatsimmi killiliussat eqqarsaatigalugit kommunip missingersuutitigut inissisimanera 2.269.700.000 koruuniussasapput. Tamanna isumaqarpoq ilassutitut aningaasaliissutit akuersissutigineratigut kommune missingersuutitigut killiliussat iluaniissasoq 51.714.570 koruuninik.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit missingersuutinut allannguutit, ilassutissatut aningaasaliissutit aamma nuussinerit, inassuteqaatigineqarput, ingerlatsivimmut missingersuutit pisariaqartinneqartut eqqornerusumik isikkoqalissammata.

Suliffeqarfimmut Kiffartuussivimmit kissaatigineqarpoq, siunissami ingerlatsiviit tungaannit aningaasaliissutit qinnutigineqartut ingerlatsiviit ataasiakkaat namminneq siunertaminniit nuussinikkut aningaasaliiffigineqarsinnaanersut misissuiffigineqarnerussasut, taamaasiornikkut kommunip naatsorsuutinik missingersuutinillu tamakkiisunik aqutsinera pitsanngorsarneqassammat.

Suliffeqarfimmut Kiffartuussivimmiittaaq kissaatigineqarpoq ilassutitut aningaasaliissutinik qinnuteqaatit siunissami suliassami pilersaarutaareersumi ilassutitut aningaasaliiffigineqarnissamut qinnuteqaateqarnermut tunngaviliisumik suna allannguutaariaasaarnersoq pillugu itisiliinerusumik tunngavilersuuteqartarnissaat. Suliffeqarfimmut Kiffartuussivimmit tamanna tapersorsorneqarpoq, immersugassamilu allannguut suliarineqassaaq tamanna siunissami qinnuteqaatini ilaasalersikkumallugu.

### **Inatsisitigut tunngavissaq allakkallu tunngaviusumik uppernarsaatillit**

- Kommunit missingersuusiordernerat, aningaasaanik tigoriaannaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allannguineq, nammineq aningaasaatinik naleqqussaaniissamut ataasiaannartumik akuersissut aamma pisortat ataatsimoorlutik qarasaasiaatigut aqqissuussaat pillugit malittarisassaannik erseqqissaaneq)

### **Siusinnerusukku aalajangiinerit**

*Aningaasaqarnermut Inuussutissarsiornermullu Ataatsimiititaq 19.08.24:*

Inassuteqaat akuersissutigineqarpoq, ima allannguutitalerlugu: Tullinguuttut akuersissutigineqarsinnaangillat:

Siunertaq 08.02.04. Mersortarfik Qeerpi. Qinnuteqaatigineqartoq mersortarfinnut pingaarnertut periusissiami upernaarnisami ilanngunneqassasoq kissaatigineqarpoq.

Siunertaq 11.01.01. Upalungaarsimanermut tunngasuni missingersuutunik misissueqqissaartoqarnissaa aammalu tulliani ilassutitut aningaasaliissutissanik tulleriaarisoqarnissaanut qinnuteqaatit nutaat piareersimanissaat kissaatigineqarput.

09.03.04 iliveqarfinit nukimmik pilersuinermit nuussineq.

### **Ilanngussaq**

1. Takussutissiaq tamarmiusoq
2. Ilassutitut aningaasaliissutit nuussinissallu tamarmiusut
3. Suliffeqarfimmut Kiffartuussivimmit qinnuteqaat
4. Suliffeqarnermut Isumaginninnermullu Ingerlatsivimmit qinnuteqaat
5. Meeqqanut Ilaqutariinnullu Ingerlatsivimmit qinnuteqaat
6. Meeqqanut Atuarfeqarnermullu Ingerlatsivimmit qinnuteqaat
7. Sanarfinermut Avatangiisinullu Ingerlatsivimmit qinnuteqaat

## **Punkt 9: Kommunalbestyrelsimut Aqutsinermi Ileqqoreqqusaq**

### **Beslutning**

Inassuteqaat akuersissutigineqarpoq.

### **Bilag**

2024-2025 Styrelsesvedtægt for Kommunalbestyrelsen\_Forslag.401894.docx\_KAL.docx



## Kommunalbestyrelsimut Aqutsinermi Ileqqoreqqusaq

Aalajangiiffigisassaq

SagsID: EMN-2024-02514

Suliffeqarfimmut Kiffartuussivik – kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

- Kommunalbestyrelsimi aqutsinermi ileqqoreqqusaq inaarutaasumik akuersissuteqassasoq

### Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 1, imm. 2 naapertorlugu Kommunalbestyrelsimut kommunip aqunneqarneranut malittarisassat, tassunga ilanngullugu borgmesterip suliassai, aqutsinermut ileqqoreqqusani aalajangersarneqartassapput. Aqutsinermut ileqqoreqqusassamut siunnersuutit aamma ileqqoreqqusamut atuuttumut allannguutissatut siunnersuutit kommunalbestyrelsimi sivikinnerpaamik ullunik 14-inik akuttussuseqartumik marloriarlugit suliarineqassapput.

Aqutsinermut ileqqoreqqusaq Kommunalbestyrelsip suleriaasiani allannguutinut ulloq 2024-mi marsip 12-ianneersumut naleqqussagaavoq.

Taamaattumik aqutsinermi ileqqoreqqusami makkua allanngortinneqarput:

- § 5 Ataatsimiititaliat pilersinneqarnerat taakkulu ingerlanneqarnerannut assigisaannullu malittarisassat nalinginnaasut. Kommunalbestyrelsip ataatsimiititamit inassuteqaasiorneqanngikkaluarlutik piviusorsioqartumik sulianik suliaqarsinnaanerannut periarfissatut imm. 8 ilanngunneqarpoq.

Aqutsinermut ileqqoreqqusaq Kommunalbestyrelsip ulloq maajip 25-anni 2024-mi immikkut ittumik ataatsimiinneranni siullermeerluni oqaluuserineqarpoq.

Aqutsinermi ileqqoreqqusaq Kommunalbestyrelsimut aappassaaneerluni, sivikinnerpaamik ullunik 14-inik akunnilerlugit, oqaluuserineqareerpat aqutsinermi ileqqoreqqusap allassimanera ataaseq Naalakkersuisunut nassiunneqassaaq.

### Inatsisitigut tunngavissaq allakkallu tunngaviusumik uppersaataillit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- o Kommuneqarfik Sermersuumi Kommunalbestyrelsimi Aqutsinermut Ileqqoreqqusaq

### Ingerlatsivimmit aningaasatigut sulisoqarnikkullu naliliinerit

Pisariaqanngilaq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Ilanngussaq

1. Kommuneqarfik Sermersuumi Kommunalbestyrelsimi Aqutsinermi Ileqqoreqqusamut siunnersuut

## **Punkt 10: Inuusuttut Kommunalbestyrelsiata innersuussutaa: 7. klassimit 10. klassimut atuartut kingusinnerusukkut atuariartortarnissaat pillugu**

### **Beslutning**

Inassuteqaat akuersissutigineqarpoq.

### **Bilag**

InuuKombest-Ungkombest-2023-2024

Meeqqanut Atuarfeqarnermullu Ingerlatsivimmit suliamut tunngasumik naliliineq



## **Inuusuttut Kommunalbestyrelsiata innersuussutaa: 7. klassimit 10. klassimut atuartut kingusinnerusukkut atuariatortarnissaat pillugu**

Meeqqanut Atuarfeqarfimmilu Ingerlatsivimmiit naliliinertalik

Inuusuttut Kommunalbestyrelsiata Kommunalbestyrelsimut innersuussutaa

Aalajangiiffigisassaq

SagsID.: EMN-2023-02418

Suliffeqarfimmut Kiffartuussivik – Kommunaldirektøri Ole Jakobsen / OJAK

### **Inassuteqaat**

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

1. 7. klassimit 10. klassimut atuartut kingusinnerusukkut atuariatortarnissaat misileraatiginissaat/atuutilersinneqarnissaat kissaatigineqarnersoq atuarmiit tamarmik immikkut nalilersuinissaat akuerineqassasoq

### **Suliassamik saqqummiussineq**

Inuusuttut Kommunalbestyrelsiannit kissaatigineqarpoq, inuusuttut 7. klassimit 10. klassimut nalunaaqutaq qulingiluanut atuariatortoqartalissasut. Meeqqanut Atuarfeqarnermullu Ingerlatsivimmi akuersaarneqarpoq, meeqqat sinilluartarnissaat ingerlalluarnissamut ilikkarsinnaassuseqarnissamullu pingaaruteqartuunera. Kingusinnerusukkut atuariatortalernikkut tamanna iluaqutaasinnaavoq, kisianni piffissaalluurtuklut innartarnissamut qulakkeerinninneq angajoqqaat akisussaaffianiippoq.

Qassinut atuariatortarnissamut aalajangersimasumik aalajangersagaqanngilaq, taamaattorli meeqqat atuarmut pillugu inatsit naapertorlugu atuartitsinermi tiimit ukiumut minnerpaaffeqartinneqarput. Nalinginnaasumik piffissaq suliffiusoq/atuarfiusoq nalunaaqutaq 8-miit 16.00-imut pisarpoq.

Ilisimatusarnermi takutinneqarpoq, inuusuttuaqqat ulloq unnuarlu isigalugu ingerlasarnerat nikittartoq, taamaalillutillu unnuklut siniliaarsinnaaneq ullaakkullu itiaarsinnaanissaq ajornartorsiutigisaraat. Sinnakippallaarneq ilikkarsinnaassutsimut atuarfimmilu tunniussaqaarsinnaassutsimut kinguneqarnerluttarpoq. Tamanna pillugu atuariatortarnerit nikisinneqarnissaat iluatinnartortaqaarsinnaavoq, atuatummi sinittarneranut naapertuuttumik skiimat naleqqussarlugit atuartitsinermik pissarsiaqaarsinnaassusianut pitsanngoriaataasinnaammat.

Taamaattorli Covid-19-ip atuunnerani misilittakkat takutippaat, atuartorpassuit kisimiillutik angerlarsimagaangamik ungasianiit atuartinneqarnermut peqataasinnaarpiarneq ajortut. Kingusinnerusukkut atuartalernerne aamma sunngiffimmi sammisartakkanut atuarnep saniatigut sulisarnermut sunnuteqaarnerlussinnaavoq.

### **Ingerlatsivimmit aningaasatigut sulisoqarnikkullu naliliinerit**

Meeqqanut Atuarfeqarnermullu Ingerlatsivimmi nalilerneqarpoq, siunnersuut aningaasaqarnikkut sunnuteqaataavallaarnaviangitsoq, atuartitsinermi piffissaq nikisinneqaannartussaammat.

### **Suliffeqarfimmut Kiffartuussivimmit aningaasatigut naliliineq**

Saniatigut allamik oqaaseqaatitassaqaanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Atuarfik pillugu Inatsisartut inatsisissaattut siunnersuut



## **Ilanngussat**

1. InuuKombest-Ungkombest-2023-2024
2. Meeqqanut Atuarfeqarnermullu Ingerlatsivimmit suliamut tunngasumik naliliineq

# **Punkt 11: Inuusuttut Kommunalbestyrelsiata innersuussutaa: Qeqertarsuatsiaani sunngiffimmi sammisassaqartitsivik**

## **Beslutning**

Ken Madsen (N) ataatsimiinnermut ilannguppoq (nal. 14.00).

Amerlanerussuteqartunit (IA, D aamma N) inassuteqaatigineqarpoq siunnersuut Nunaqarfinnut immikkoortumik pilersaarummi misissuiffigineqassasoq tassanilu tulleriarinermut ilanngunneqassasoq.

Siumumiit ikinnerussuteqartutut oqaaseqaat: Siumumit piumasaraarput inoqarfinni mikinerni ineriartortitsinernut suliniummi ilaareemat, ingerlatsivimiit missiliutigineqartoq 11.681.754 kr akuersissutigineqassasoq.

## **Bilag**

InuuKombest-Ungkombest-2023-2024

Meeqqanut Atuarfeqarfimmilu Ingerlatsivimmiit & Sanarfinermik Avatangiisimilli Ingerlatsivimmiit naliliineq



# Inuusuttut Kommunalbestyrelsiata innersuussutaa: Qeqertarsuatsiaani sunngiffimmi sammisassaqartitsivik

Meeqqanut Atuarfeqarfimmilu Ingerlatsivimmiit & Sanarfinermik Avatangiisimilli Ingerlatsivimmiit naliliinertalik

Aaliangiiffissaq  
SagsID.: EMN-2023-02418  
Suliffeqarfimmut Kiffartuussivik - Ole Jakobsen / OJAK

## Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

1. Qeqertarsuatsiaani sunngiffimmi sammisaqartitsivimmik nutaamik pilersitsisoqarnissaa pillugu Inuusuttut Kommunalbestyrelsianni innersussutigineqartoq Kommunalbestyrelsip eqqartussagaa

## Suliassamik saqqummiussineq

Qeqertarsuatsiaani sunngiffimmi ornittakkamik nutaamik pilersitsinissaq pillugu Inuusuttut Kommunalbestyrelsiat innersuummik saqqummiussaqqarpoq. Qeqertarsuatsiaani meeqqat inuusuttullu sullinneqartut 24-upput, taakkunani 16-it maanna sunngiffimmi ornittagaasumik pingasunik sulisulimmik atuisuupput.

Sunngiffimmi ornittagaq pioreersoq illumi nutaanngitsumi inissisimavoq, quleriinnilu marlunni agguataagaasuni ineeralersugaalluni. Tamanna inini assigiinngitsuni sammisassanik assigiinngitsunik sammisaqartitsivissatut periarfissaqartitsivoq aamma ukiut naapertorlugit agguataarisooqarluni. Taassuma saniatigut Qeqertarsuatsiaani katersortarfeqarpoq eqaarsaartarfilik, timigissartarfilik aamma nipilersortarfilik, sunngiffimmilu sammisassaqqartitsinernut atorneqarsinnaalluni.

Meeqqanut Atuarfeqarnermullu Ingerlatsivimmit aamma Sanarfinermut Avatangiisinullu Ingerlatsivimmit innersuussutigineqarpoq, sunngiffimmi ornittagaq pioreersoq qanoq issusaatigut aserfallatsaalinerlu eqqarsaatigalugit misissuisoqassasoq, amigaatillu aaqqiivigineqassasut, taamaalilluni klubbimik ingerlatsineq tamakkiisuuleqqullugu.

## Ingerlatsivimmit aningaasatigut sulisoqarnikkullu naliliinerit

Sunngiffimmi ornittakkamut C-mik missiliuut akeqassaaq: 11.681.754 kr.

## Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik Meeqqanut Atuarfeqarnermullu Ingerlatsivimmit aamma Sanarfinermut Avatangiisinullu Ingerlatsivimmit naliliivoq, maannakkullu klubbip illutaata pioreersup qanoq issusaa misissorneqassasoq innersuussutigineqarpoq. Iluarsaassinissamut aningaasartuuteqarnerusoqassappat nuussinerit aqutigineqarsinnaapput imaluunniit 2025-mut missingersuusiornermut ilaallutik.

## Inatsisitigut tunngavissaq allakkallu tunngaviummik uppernarsaatillit

- Atuarfik pillugu Inatsisartut inatsisissaattut siunnersuut.

## Ilanngussat

1. InuuKombest-Ungkombest-2023-2024
2. Meeqqanut Atuarfeqarfimmilu Ingerlatsivimmiit & Sanarfinermik Avatangiisimilli Ingerlatsivimmiit naliliineq

## **Punkt 12: Inuusuttut Kommunalbestyrelsiata innersuussutaa: Ataatsimoorfiit pitsaasut, ineriartortitsiviusumik pinaveersaartitsinermik ukkatarinniffiusut**

### **Beslutning**

Inassuteqaat akuersissutigineqarpoq.

### **Bilag**

InuuKombest-Ungkombest-2023-2024

Meeqqanut Atuarfeqarfimmilu Ingerlatsivimmiit naliliineq



# Inuusuttut Kommunalbestyrelsiata innersuussutaa: Ataatsimoorfiit pitsaasut, ineriartortitsiviusumik pinaveersaartitsinermik ukkatarinniffiusut

Meeqqanut Atuarfeqarfimmilu Ingerlatsivimmiit naliliinertalik

Aaliangiiffissaq

SagsID.: EMN-2023-02418

Suliffeqarfimmut Kiffartuussivik – Kommunaldirektøri Ole Jakobsen / OJAK

## Inassuteqaat

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

1. Meeqqanut Atuarfeqarnermullu Ingerlatsivimmit suliniuteqarfiit aallartinneqareersut immikkoortumut pilersaarusiortnerit sunngiffimmi klubbinik ineriartortitsinermik pitsanngorsaanermillu ukkatarinniffiusut ingerlateqqinneqarnissaat akuersissutigineqassasoq
2. suleqatigiilluni suliniummik ineriartortitsinissamut (takuuk ilanngussaq 2) aningaasanik immikkoortitsisoqassasoq akuersissutigineqassasoq, tamannalu missingersuusiortnermut ilaatinneqassasoq

## Suliassamik saqqummiussineq

Inuusuttut Kommunalbestyrelsiannit ataatsimoorfiit pitsaasut, inuusuttut pinerlunniartarnerannik pinaveersaartitsiffiusut pilersinneqarnissaat innersuussutigineqarpoq. Tamanna pinngortitami ilaqtariinnut sammisassaqtitsinikkut ingerlanneqarsinnaalluni.

Meeqqanut Atuarfeqarnermullu Ingerlatsivimmit nalilerneqarpoq, meeqqat angajoqqaajusullu ilinniartinnissaat pingaaruteqartoq kiisalu pinerlunniartarnerup pinaveersaartinnissaanut ataatsimoorfiit siuarsarnissaat pingaaruteqartoq.

Ilanngussaq 2 naleqqiullugu Meeqqanut Atuarfeqarnermullu Ingerlatsivimmit innersuussutigineqarpoq, Meeqqanut Ilaqtariinnullu Ingerlatsivik suleqatigalugu suliniummik ineriartortitsinissamut aningaasanik immikkoortitsisoqassasoq, inuusuttut oqaloqatigiiffissaqarnissamut pisariaqartitsinerannut iluaqutaasussamik kiisalu aasaanerani tammaarsimaarnikkut angajoqqaaminnik peqateqarlutik pinngortitami sammisaqartinneqarnissamut periarfissisussamik. Tamanna Inuusuttut Kommunalbestyrelsiannit innersuussutinit aamma Timersoqatigiit Kattuffianik suleqatigiinnissamut isumaqatigiissummit tapersorsorneqarpoq.

Ingerlatsivimmit kommunip sunngiffimmi klubbiinut immikkoortumut pilersaarusiortoqassasoq aamma Timersoqatigiit Kattuffiat (GIF) suleqatigalugu nammineerluni aaqqissuussamik timersorfissat pillugit periusissioornissaq siunnersuutigineqarpoq. Taamatutaaq timersorfissanik pisariaqartitsineq periarfissallu taamatutaaq pinngortitami pisariaqartitsinerit periarfissallu paasiniarneqarnissaat innersuussutigineqarpoq.

## Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmit suliniummik ineriartortitsinissamut kiisalu sunngiffimmi klubbinik pitsanngorsaanissamut aningaasanik missingersuusiornissaq pisariaqartinneqarpoq. Allaaserisaq akuerineqassappat, missingersuutinik suliaqarnermut atasumik inerisarnissaanut allilernissaanullu periarfissat allattorsimaffiannut siunnersuusiortoqarsinnaassaaq.

## Suliffeqarfimmut Kiffartuussivimmit aningaasatigut naliliineq



Suliffeqarfimmut Kiffartuussivimmit kissaatigineqarpoq, susassaqarfiit akimut najoqqutassiaani imarisaat pillugit erseqqinnerusumik nassuiaasoqassasoq ersarissaasoqassasorlu, takuuk imaqarniliaq 2. Siunnersuut tangilimmik missingersuusionermik ingerlatsinermut ilanngunneqassappat, minnerpaamik aningaasat annertussusaat sammisassallu imarisassaat isummersorfigineqarsinnaasut allassimasariaqarput.

**Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Peqqinnermik Siuarsaanermut Pitsaaliuinerullu Periusissiaq 2024 - 2030.

**Ilanngussat**

1. InuuKombest-Ungkombest-2023-2024
2. Meeqqanut Atuarfeqarfimmi Ingerlatsivimmiit naliliineq

## **Punkt 13: Meeraaqqerivimmi Meeqqami inimik matusineq - Paamiut**

### **Beslutning**

Inassuteqaat akuersissutigineqarpoq.



## Meeraaqqerivimmi Meeqqami inimik matusineq - Paamiut

Aalajangiiffigisassaq

SagsID.: EMN-2024-02456

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigineqarpoq:

1. meeraaqqerivimmi inimik matusineq akuersissutigineqassasoq

### Suliassamik saqqummiussineq

Paamiuni meeraaqqerivik Meeraq meeqqanut 46-nut, ukioqanngitsuniit marlunnik ukiulinnut, inissaqartitsinissamut naatsorsuutaavoq, inini sisamani agguataaqqasussat, sulisullu 15-inut, aqutsisoq ilanngullugu, amerlassusiligaallutik. Kommunalbestyrelsip aggustip ulluisa 29-anni 2023 aalajangerpaa meeraaqqerivik Meeqqami init ilaat matugallarneqassasoq, meeqqat taamaallaat 37-t tassani allatseqqammata. 2023-mi septembarip aallaqqaataaniit meeqqat ukioqanngitsuniit marlunnik ukiullit tungaannut 36-t, ininut pingasunut agguataarlugit, amerlassusiligaapput, sulisullu amerlassusiligaanerit naleqqussarneqarsimallutik 12-inut, aqutsisoq ilanngullugu.

Juunip aallaqqaataanni meeqqat marluk Paamiuni meeraaqqerivimmut utaqqsit allattorsimaffianiippat. Suli nukangammata siusinnerpaamik aggustimi aallartissinnaassapput. Aggustip qaammataanni meeqqat pingasut meeraaqqerivimmiit meeqqerivimmut nuuttussaammata utaqqsit allattorsimaffianiittut meeqqat marluk inissaqassapput. Tamatuma saniatigut Paamiuni 0 - 2-nik ukiullit 2017-imi meeqqat 67-iniit 2023-mi meeqqat 40-nut ikilisimasut Kalaallit Nunaanni Naatsorsueqqissaartarfimmit paasissutissani takuneqarsinnaavoq. Tamanna tunngavigalugu Meeqqanut Atuarfeqarnermullu ingerlatsivimmi Ulluunerani Neqeroorutinut Immikkoortortamit meeraaqqerivik Meeqqami suli ininik pingasuinnarnik pisariaqartitsisoqarnera nalilerneqarpoq. Taamaattumik meeqqat 36-nut amerlassusiligaanerit attanneqaannarnissaa inassuteqaatigineqarpoq.

Paamiuni meeraaqqerivimmi meeqqanut inissanik amerlanerusunik pisariaqartitsisoqaaqqilissappat, Ingerlatsiviup taamanikkussamut inip atoqqilerneqarnissaa siunnersuutigiumaarppaa.

### Ingerlatsivimmit aningaasatigut sulisoqarnikkullu naliliinerit

Qaammatit tamaasa inip matoqqatinneqarnerani qaammammut 70.000 kr.-it missaanniittut sipaarutigineqarsinnaapput taakkulu isumaqatigiissutit atuuttut malillugit sulisut pingasut naligivai. Massakkut isertitassanik annaasaqartoqanngilaq, akiliutaasunik, meeqqanik meeraaqqerivimmi inimut tassunga allatsittoqarsimangimmat.

### Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup Meeqqanut Atuarfeqarnermullu Ingerlatsivimmut inassuteqaatigaa, TB1-imut 2024-mut atatillugu akissarsiat ikilinissaat suliareqqullugu naliliinermit aningaasartarititassat amerlaqataannut, suliassaqarfimmi tassani akigitinneqartut naapertorlugit akiliutini aningaasatigut sunniteqassanngippat iliuuseqartoqassanngilaq.

### Inatsisitigut tunngavissaq allakkallu tunngaviumik uppersaatillit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20. novembari 2023-meersoq



- Kalaallit Nunaanni ulluunerani aamma ulloq unnuarlu paaqqinniffinni perorsaasutut sulisut pillugit Kalaallit Nunaanni Naalakkersuisut aamma Nunatsinni Perorsaasut Kattuffiata akornanni ulloq 6. marsi 2021-mi NPK 2020-2024 pillugu isumaqatigiissutaat
- SIK Meeqqerisut isumaginninnermilu ikiortit 2022-2026 - 19. decembari 2023-meersoq, Naalakkersuisut aamma Sulinermik Inuussutissarsiuteqartut Kattuffiata akornaanni Meeqqerisut isumaginninnermilu ikiortit pillugit isumaqatigiissutaat
- Nal. akunnermusiallit suliamik ilinniagallit ilinniagaqanngitsullu 2022-2025, Naalakkersuisut, Medarbejder- og Kompetencestyrelsen-ip aamma Sulinermik Inuussutissarsiuteqartut Kattuffiata akornanni Akunnermusiallit suliamik ilinniagallit ilinniagaqanngitsullu pillugit isumaqatigiissut

### **Siusinnerusukkut aalajangiinerit**

*Meeqqanut Ilaqutariinnut Atuarfeqarnermullu Ataatsimiititap 07.08.24:*  
Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 19.08.24:*  
Inassuteqaat akuersissutigineqarpoq.

### **Ilanngussaq**

Soqanngilaq.

## **Punkt 14: Ukiumi atuarfiusumi 2024/2025-mi ilinniartitsisunik pisariaqartitsinerup misissuiffigeqqissaarnera**

### **Beslutning**

Inassuteqaat akuersissutigineqarpoq.

### **Bilag**

Ukioq atuarfiusoq 2024/2025-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarannut takussutissiaq

## Ukiumi atuarfusumi 2024/2025-mi ilinniartitsisunik pisariaqartitsinerup misissuiffiqqissaarnera

Aalajangiiffigisassaq

SagsID.: EMN-2024-02335

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ukiumut atuarfusumut 2024/2025-mut akunnerit suliffiusussat missingersuutaat tiimit 830.498-it akuersissutigineqassasoq

### Suliassamik saqqummiussineq

Atuarfimmut tunngasunik ilinniartitsisunik pisariaqartitsinerup misissoqqissaarnerani najoqqutarineqarpoq atuarfiit ukiumi atuarfusussami tullermi atuartitsinermik ingerlatsinermi sinaakkutissaq tamakkiisoq. Tamanna tunngavigalugu ukiumi atuarfusumi tullermi tiiminik atuneq tamakkiisoq oqaatigineqarsinnaavoq, ilinniartitsisunillu qanoq amerlatigisunik pisariaqartitsisoqarnissaa.

Ilinniartitsisunik pisariaqartitsinerup misissuiffiqqissaarnerata naatsorsorneqarnera tunngavigalugu ukioq atuarfusussaq tulleg ingerlatsivimmit nalilerneqarpoq, kommunimi illoqarfinni nunaqarfinnilu atuarfinni 16-ini atuartut katillugit 2870-it aallartissasut. Tassa ukiumi atuarfusumi kingullermiit 66-inik atuartut amerleriarput. Atuartut amerlassusissaasa katinneranni atuartut 248-t immikkut atuartinneqassapput. Ukiumut atuarfusumut kingullermut naleqqiullugu atuartut arfinilinnik amerlanerupput. Klassit 151-it pilersinneqarnissaat naatsorsuutigineqarpoq, tassalu ukiup atuarfusup siulianit klassinik tallimanik ikinnerullutik. Tassunga ilanngullugu immikkut atuartitsinermi klassit 41-t pilersinneqarnissaat naatsorsuutigineqarpoq. Ukiup atuarfusup siulianut sanilliullugu klassit pingasunik amerlillugit pilersinneqarnissaat naatsorsuutigineqarpoq.

Atuarfinnut akunnerit atuartitsissutaasussat katillugit 830.498-it tiimiussasut naatsorsuutigineqarpoq. Tassa ukiup atuarfusup siulianit 11.053 tiiminik amerlanerupput. Naatsorsorlugu tamanna ilinniartitsisut atorfiisa 392-it amerlaqatigaat. Ukiup atuarfusup siulianut sanilliullugu saniatigut ilinniartitsisut atorfiinik sisamanik amerleriarnepput.

### Ingerlatsivimmit aningaasatigut sulisoqarnikkullu naliliinerit

Ukiumi atuarfusumi 2024/2025-mi ilinniartitsisunik pisariaqartitsinermik misissueqqissaarneq tunngavigalugu Meeqqanut Atuarfeqarnermullu Ingerlatsivimmit nalilerneqarpoq, atuarfeqarnermut suliassaqaarfik ilinniartitsisunut sisamanut aningaasaliiffigineqassasoq. Tamatumunnga klassit immikkut atuartitsiviusut marluk kiisalu ilaqtariit klassiat ataaseq pilersinneqarnerannik pissuteqarpoq, aammattaaq atuarfinni atuartoqassutsikkut amerlineri pissutigalugit.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq
- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Kalaallit Nunaanni meeqqat atuarianni ilinniartitsisut il.il. akunnernut suliffissaannut isumaqatigiissut

### **Siusinnerusukkut aalajangiinerit**

*Meeqqanut Ilaqutariinnut Atuarfeqarnermullu Ataatsimiititap 07.08.24:*

Inassuteqaat akuersissutigineqarpoq.

*Aningaasaqarnermut Inuussutissarsiornermullu Ataatsimiititaq, 19.08.24:*

Inassuteqaat akuersissutigineqarpoq.

### **Ilanngussaq**

1. Ukioq atuariusoq 2024/2025-mi atuarfeqarnermut tunngasunik ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq

## **Punkt 15: Ulloq naallugu atuarfiup Ineriartortinnissaanut Allinissaanullu najoqqutarineqartussat allaaserineri**

### **Beslutning**

Inassuteqaat akuersissutigineqarpoq, imatut ilassuteqaatitalerlugu: Ulloq naallugu atuarfiup allamik taaguuserneqarnissaa kissaatigineqarpoq.

### **Bilag**

Ulloq naallugu atuarfimmi inerisaaneq annertusaanerlu sinaakktissanut allaaserisaq



## Ulloq naallugu atuarfiup Ineriartortinnissaanut Allinissaanullu najoqqutarineqartussat allaaserineri

Aalajangiiffigisassaq

Suliap ilisarnaataa.: EMN-2023-04594

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. ulloq naallugu atuarfimmum najoqqutassatut allaaserisaa akuerineqassasoq

### Suliassamik saqqummiussineq

Inuit Ataqaatigiit Demokraatillu 2023-2025-mut suleqatigiinnissamik isumaqatigiissutaanni ersersinneqarpoq Kommuneqarfik Sermersuumi meeqqat inuusuttullu innarluutillit ilinniarnissannut sunngiffimmilu periarfissaannut najoqqutassat pitsaanerulersinneqassasut. Ulloq naallugu atuarfiup ineriartortinnissaanut allilernissaanullu najoqqutassatut allaaserisami matumani siunertarineqarpoq meeqqanut neqeroorutit, taakku pisariaqartitaat atuarfimmi nalinginnaasumi naammassineqarsinnaanngitsut pitsaassutsimikkut pitsaanerulersinneqarnissaat. Immikkut ittumik 1. klassiit 10. klassimut meeqqanut immikkut annertusisamik perorsaanikkut pisariaqartitsisunut neqerooruteqarnissaq siunertaavoq, tamannalu inuttut siuarfaatigalugulu atuakkatigut ineriartuutigissavaat kiisalu inersimasutut inuulernissaannut piareersarlugit.

Kommuneqarfik Sermersuup Inunnut innarluutilinnut politikkaa malillugu meeqqat immikkut pisariaqartitsisut sapinngisamik nalinginnaasumik neqeroorutini ilaatinneqartassapput. Ulluunerani neqeroorutini, atuarfinni allanilu ilinniarfiusuni najoqqutassat periutsillu meeqqanut ataasiakkaanut naleqqussarneqassapput, killormuunngitsooq. Meeqqalli ilai ima annertutigisumik ikorfartorneqarnissaminnik pisariaqartitsisarput avatangiisini immikkut naleqqussakkaniinnissaminnik pisariaqartitsisarlutik.

Massakkorpiaq Kommuneqarfik Sermersuumi meeqqanut immikkut pisariaqartitsisunut atuarfimmilu nalinginnaasumi aamma Nuummi Ulloq naallugu atuarfimmi neqeroorutigineqarsinnaasunit annertunerusumik naleqqussakkanillu naammattunik neqerooruteqanngilaq. Taakkunani ilaapput meeqqat sakkortuumik autismeqartut.

Meeqqanut Atuarfeqarnermullu Ingerlatsivik 2023-mi misissueqqaarnermik aallartitsivoq, immikkut suliassaqarfiup misissornissaanut paasissutissamik tunngaviliiniarluni. Misissueqqaarnerit takutippaat inissaqarnikkut ajornartorsiuteqartoq, pisariaqartorlu immikkut ittumik neqeroorutit tulluarsarneqarlutillu siunnerfilertariaqartut meeqqat pisariaqartitai malillugit. Ullumikkut meeqqat assigiinngitsunik suussusiliiffigineqarsimasut Nuussuarmi Ulloq naallugu atuarfimmi ataatsimoortinneqarput, tassanili immikkut pisariaqartitaat naammattumik isumagineqarsinnaanngillat.

Meeqqanut Autisme Spektrum Forstyrrelseqartunut (ASF) eqqortunik piginnaasalinnik ilikkarfiusumillu neqeroorummik pilersitsinissamut Ulloq naallugu atuarfiup immikkoortumik allilerneqarnissaa pisariaqarpoq. Maanna siunnersuut saqqummiunneqarpoq, meerartaqaratta



pilertortumik pisariaqartitsisunik immikkut ittumik ilinniartittariaqartunik, illorlu tulluortoq atorneqarsinnaangorsimalluni.

Pilersaarutaavoq, Ulloq naallugu atuarfik Nuussuarmiittoq atualerlaanullu illu Atuarfik Samuel Kleinschmidtmiittoq atuarfittut ataatsitut matrikelit marluusuni atuutissasut, sullinniakkanut assigiinngitsunut naleqqussarlugit. Matrikel A meeqqanut ASF-ilinnut siunnerfeqartinneqassaaq, Matrikel B meeqqanut pissusilersornikkut attaveqarniarnermillu ajornartorsiutilinnut siunnerfeqartinneqassaaq.

Ulloq naallugu atuarfik nammineq atuarfimmi pisortaqaassaaq, sulisoqarluni, missingersuuteqarluni, ateqarluni pingaartitaqarlunilu, aamma atuartut atuarfimmuut attuumassuteqartutut misigissapput atuarfillu tulluusimaarutigalugu. Atuarfik akuleriinnik atuartut atuareernerup kingorna ornittagaqarlunilu sunngiffimmi ornittagaqassaaq.

Najoqqutassatut allaaserisaq Innunut innarluutilinnut suliassaqarfimmit sularineqareerpoq, attuumassuteqartunullu tusarniaaneq ingerlanneqareersimalluni. Taakku oqaaseqaataat siunnersuummi najoqqutassatut allaaserisamut ilanngullugit sularineqarput.

### **Ingerlatsivimmit aningaasatigut sulisoqarnikkullu naliliinerit**

Suliamik saqqummiussinermi matumani taamaallaat Ulloq naallugu atuarfiup ineriartortinnissaa allilernissaalu pillugu najoqqutassatut allaaserisap akuersissutigineqarnissaa pineqarpoq. Najoqqutassatut allaaserisaq akuerineqassappat, 2025-mut missingersuutininik suliaqarnermut atasumik Ulloq naallugu atuarfik inerisarnissaanut allilernissaanullu periarfissat allattorsimaffiannut siunnersuusiortoqassaaq.

### **Suliffeqarfimmuut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatiillit**

- Inuit Ataqaatigiit aamma Demokraatit akunnerminni suleqatigiinnissamik isumaqatigiissutaat 2023 - 2025
- Missingersuutit pillugit isumaqatigiissut 2024 Kommuneqarfik Sermersooq
- Inuit innarluutillit pillugit politikki 2024 - 2028 - Kommuneqarfik Sermersooq
- Inuit innarluutillit pillugit suliassaqarfimmuut pilersaarut 2018 - 2026 - Kommuneqarfik Sermersooq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Inatsisartut Inatsisaata nalunaarutaat nr. 21, 8. december 2017-imeersoq
- Inatsisartut inatsisaat nr. 20, 26. juni 2017-imeersoq: Meeqqat tapersorsorneqarnissaat pillugu

### **Siusinnerusukkuut aalajangiinerit**

*Suliffeqarnermut Isumaginninnermullu Ataatsimiititap, 06.08.24:*

Ilisimatitsissut tusaatissatut tiguneqarpoq.

*Meeqqanut Ilaqutariinnut Atuarfeqarnermullu Ataatsimiititap 07.08.24:*

Immikkoortoq oqaluuserisassanik peerneqarpoq immikkullu ittumik ataatsimiinnermi oqaluuserineqassalluni.



*Aningaasaqarnermut Inuussutissarsiornermullu Ataatsimiititaq, 19.08.24:*  
Inassuteqaat akuersissutigineqarpoq.

### **Ilannugussaq**

1. Ulloq naallugu atuarfimmi inerisaaneq annertusaanerlu sinaakktissanut allaaserisag

## **Punkt 16: Pilersitsiviup pilersinneqarnera**

### **Beslutning**

Inassuteqaat akuersissutigineqarpoq.

### **Bilag**

Sannavinnut ingerlatsinerlut tapiissutit pillugit nalunaarutit 2025-miit tunisassiornerlut assingusumik atuarfinnut nuutsinneqassapput

Pilersitsivik pillugu suliniummut allaaserisaq

2025-mi Pilersitsivimmul missingersuutit

## Pilersitsiviup pilersinneqarnera

Aalajangiiffigisassaq

SagsiD.: EMN-2024-02684

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

1. Paamiuni Pilersitsiviup pilersinneqarnissaa pillugu siunnersuut akuerineqassasoq

### Suliassamik saqqummiussineq

Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoqarfimmiit Piorsaaviit ingerlanneqarnerannut aningaasaliissutit piissavaat, peerneqarnerannilu 2025-miit kommunini tunisassiornerup tungaatigut atuarfinnik assingusunik ingerlatsinissamut pilersitsisoqassaaq.

Suliffeqarnermut Isumaginninnermullu Ingerlatsivik siusinnerusukkut suliffeqarnermut suliniutaasunik allanngortiterivoq, ilaatigut ilaavoq suliassaqtitsiniarnikkut suliniutit toqqakkat matuneqarneri, aningaasallu tassanngaanneersut Pilersitsivimmumut aningaasaliissutigineqarlutik. Aningaasaqarnermut Inuussutissarsiornermullu Ataatsimiititap ulloq 13. juuni 2024 ataatsimiinnermi inassuteqaat akuerinngilaa.

Suliffeqarnermut Isumaginninnermullu Ingerlatsivik taamaattumik matumani siunnersuummik inassuteqaateqarpoq Pilersitsiviup pilersinneqarnissaa pillugu, siunissami Piorsaaviit ingerlanneqarnissaanut suliaq apeqqutaatinnagu. Suliffeqarnermut Isumaginninnermullu Ingerlatsivimmit suliamik saqqummiussami "Suliffeqarnerup iluani neqeroorutitik allanngiineq"-mi Piorsaaviit siunissami aqunneqarnissaannut ilutsit marluk saqqummiunneqarput.

Suliffeqarnermut Isumaginninnermullu Ingerlatsivimmit siunnersuutigineqarpoq, Paamiuni 1. januaari 2025-mit nioqqutissiornermut atuarfimmumut assingusumik neqeroorummik pilersitsisoqassasoq, tassanilu siunertamut aningaasaliissutit 2.000.000 kr.-inik qaffanneqassasut, neqeroorutitut nutaanut taakkununga immikkut ittunik isumaqatigiissusiortoqassasoq, tassani Namminersorlutik Oqartussat sukumiisumik ingerlatsinermut tapiissutaat naatsorsorneqassallutik.

2025-mut missingersuutit	
2025-mi Namminersorlutik Oqartussaniit ingerlatsinermut tapiissutit	Kr. 2.000.000
Aningaasaliissutit amerlanerit	Kr. 2.000.000
<b>Katillugit</b>	<b>kr. 4.000.000</b>

Nioqqutissiornikkut atuarfissaq atuartunut atuagarsornikkut pisariaqartunik piginnaanilinnut kisianni aamma ilinniakkamik aallartitsinissamut tapersorsorneqarnermik kajumissaarneqarnermillu pisariaqartitsisunut tunngavoq. Ingerlatsinermi sullivimmi sulineq atuagarsornermik aamma inuttut ineriartornermik ilaneqassaaq, tassani atuartut peqataanerat suleqatigiissinnaanerallu pitsanngorsarneqassalluni.

### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivik missingersuutitut siunnersuuteqassaaq, aningaasartuutitut nutaanut matussusiisussamik.

### **Suliffeqarfimmut Kiffartuussivimmit aningaasatigut naliliineq**

Annerusumik oqaaseqaatissartaqanngilaq taamaallaat inassuteqaat akuersissutigineqassappat qinnuteqaat 2025-mut missingersuusiornermut ilaatinneqartassasoq.

### **Inatsisitigut tunngavissaq allakkallu tunngaviusumik uppersaatiillit**

- 2022-miit 2024 tungaanut Majorianik ingerlatsineq pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni Angusanut isumaqatigiissutaat

### **Siuserusukkut aalajangiinerit**

*Suliffeqarnermut Isumaginninnermullu Ataatsimiititaq, 06.08.24:*

Inassuteqaat akuersissutigineqarpoq

*Aningaasaqarnermut Inuussutissarsiornermullu Ataatsimiititaq, 19.08.24:*

Inassuteqaat akuersissutigineqarpoq.

### **Ilanngussat**

1. Sannavinnut ingerlatsinermut tapiissutit pillugit nalunaarutit 2025-miit tunisassiornermut assingusumik atuarfintut nuutsinneqassapput
2. Pilersitsivik pillugu suliniummut allaaserisaq
3. 2025-mi Pilersitsivimmut missingersuutit

## **Punkt 17: Suliffeqarnermut suliniutaasunik neqeroorutinik allangortitsineq**

### **Beslutning**

Inassuteqaat akuersissutigineqarpoq.

### **Bilag**

Sannavinnut ingerlatsinermit tapiissutit pillugit nalunaarutit 2025-miit tunisassiornermut assingusumik atuarfinnut nuutsinneqassapput

Kisitsisit pingaarnerit aamma aningaasaqarneq

## Suliffeqarnermut suliniutaasunik neqeroorutitik allangortitsineq

Aalajangiiffigisassaq

SagsID.: EMN-2024-02793

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigineqarpoq:

1. periarfissaq 1 akuerineqassasoq, Tasiilami Piorsaavik aamma Paamiuni Piorsaavik atorunnaarsinneqarnissaannut tunngasoq
2. periarfissaq 2 itigartissutigineqassasoq, Piorsaaviit tamarmik ingerlatiinnaarneqarnissaannut tunngasoq

### Suliassamik saqqummiussineq

Piorsaavinnut ingerlatsinikkut tapiissutaasartut 2024-p naanerani Isumaginninnermut, Ilaqutariinnut, Suliffeqarnermut Nunamullu Namminermit Naalakkersuisoqarfimmiit peerneqassapput. Sannavinnut ingerlatsinikkut tapiissutit 2025-miit tunisassiornermut assingusumik atuarfinnut nuutsinneqassapput. Taamaattumik immikkoortoq una aamma immikkoortoq "Pilersitsiviup pilersinneqarnera" Suliffeqarnermut Isumaginninnermullu Ataatsimiititamut aalajangiussassanngortinneqarput.

Suliffeqarnermut Isumaginninnermullu Ingerlatsiviup siusinnerusukkat Majoriami neqeroorutit tamakkiisumik naliiiffiginikuuai. Naliliinermi ingerlatassatut neqeroorutaasimasut, atuartut amerlassusaat, taamaatinneqartut kiisalu inuusuttut eqqarsaatigalugit illoqarfinni siunissamilu suliassatut neqeroortitsissutaasut pineqarput. Tamanna tunngavigalugu Suliffeqarnermut Isumaginninnermullu Ingerlatsivimmiit inassuteqaatigineqarpoq suliffeqarnermut suliniutigineqartoq allangortiterneqassasoq, tassanilu ilaatigut suliffissaqartitsiniutit aalajangersimasut matuneqarnissaat ilaatinneqarput tassanngaanniillu aningaasaliissutit Pilersitsiviup aningaasaliiffigineqarnissaanut atorneqassasut.

Aningaasaqarnermut Inuusutissarsiornermullu Ataatsimiititamit ulloq 13. juuni 2024-mi ataatsimiinnermi inassuteqaatigineqartoq akuersissutigineqanngilaq allangortiterinissamullu periarfissat assigiinngitsut saqqummersinneqassasut qinnuiginnilluni.

Suliffeqarnermut Isumaginninnermullu Ingerlatsivimmiit matumuuna suliffeqarnermut suliniummi neqeroorutip allangortiterneqarnissaanut periarfissat marluk saqqummersinneqarput.

Periarfissaq 1: Neqeroorummik allangortiterineq

- Ittoqqortoormiini Piorsaavik maanna ingerlaneratut ingerlatiinnaarneqassasoq
  - Ittoqqortoormiini Piorsaavik inuusuttunut 12-it tungaanut amerlassusilinnut sannaveqartitsineq neqeroorutigineqartarpoq. Neqeroorut ingerlalluartusooq pingaarnertullu kisitsisit naammaginartuusut Suliffeqarnermut Isumaginninnermullu Ingerlatsivimmiit nalilerneqarpoq.
- Tasiilami Piorsaavik matuneqassasoq
  - Tasiilami Piorsaaviup matuneqarnissaa ilaatigut atortorissaarutit soorlu imeqarneq, perusuersartarfiit kaffisortarfiillu amigaataaneri pissutaallutik Suliffeqarnermut Isumaginninnermullu Ingerlatsivimmiit nalilerneqarpoq. Taamaattumik Majoriap

illutaata inaanni assassornermut annikitsunillu sanalulluni suliasat kisimik suliarineqartarput.

- Tasiilami innuttaasunut sullinniakkanut Suliffeqarnermut Isumaginninnermullu Ingerlatsivimmiit allanik arlalinnik neqerooruteqartoqartarpoq, soorlu:
  - Majoriami soraarummeerutigalugu piukkunnarsarnerit, MA
  - Suliffimmi sungiusarnej
  - Siu-Tsiumi ingerlataqarnej
  - Højskolertarnej
- Sulisoqarnikkut kingunerisassai:
  - Sulisoq ataaseq sannavimmi assassornermi ilinniartitsisutut MA-mut nuunnissaanut neqeroorfigineqassaaq.
  - Sulisut sinneruttut marluusut illoqarfimmi kommunip immikkoortortaannut nuunnissaannut periarfissat ingerlatsivimmit misissorneqassapput.
- Paamiuni Piorsaavik matuneqassasoq.
  - Paamiuni sullinniakkat Piorsaaveqarnissamut Pilersitsivittullu pilersinneqaaqqammersumik ingerlatsinissamut amerlanngippallaartut Suliffeqarnermut Isumaginninnermullu Ingerlatsivimmiit nalilerneqarpoq. Paamiuni qinnuteqartut makkununga neqeroorfigineqarsinnaalissapput:
    - Majoriami soraarummeerutigalugu piukkunnarsarnerit, MA
    - Suliffimmi sungiusarnej
    - Danmarkimi højskolernissaq
    - Pilersitsivik
  - Sulisoqarnikkut kingunerisassai:
    - Sulisoq ataaseq sannavimmi assassornermi ilinniartitsisutut MA-mut nuunnissaanut neqeroorfigineqassaaq.
    - Sulisut pingasut Pilersitsivimmut nuunneqarnissamut neqeroorfigineqassapput.
- Nuummi Piorsaavik ingerlaneratut ingerlatiinnarneqassaaq.
  - Nuummi Piorsaavimmi inuusuttunut 33-t tungaannut amerlassusilinnut sannaveqartitsinermik neqerooruteqartoqartarpoq.
    - Nuummi Piorsaavimmi neqeroorut pisariaqartinneqaannassasoq Suliffeqarnermut Isumaginninnermullu Ingerlatsivimmit nalilerneqarpoq, neqeroorummilu sullinniakkat amerlapput.

Periarfissaq 1 atorneqassappat 287.883 koruuninik aningaasaliisoqarnerunissaa pisariaqalissaaq, tassanilu Suliffeqarnermut Isumaginninnermullu Ingerlatsivimmiit naliliineq naapertorlugu aningaasaliissutaareersut iluini atorneqarsinnaapput.

Periarfissaq 2: Ingerlatsineq nangillugu

- Ittoqqortoormiini Piorsaavik maanna ingerlaneratut ingerlatiinnarneqassasoq
- Tasiilami Piorsaavik ingerlaannassaaq
- Paamiuni Piorsaavik ingerlaannassaaq
- Nuummi Piorsaavik ingerlaannassaaq

Periarfissaq 2 atorneqassappat 3.049.159 koruuninik aningaasaliisoqartarnissaa pisariaqartinneqassaaq. Periarfissap 2-p toqqarneqarneratigut missingersuutissatut siunnersuummi "Ingerlatsinikkut tapiissutit unitsinneqarnerisa kingorna Piorsaaviit ingerlatiinnarnissaannut aningaasaliissuteqarnej" Suliffeqarnermut Isumaginninnermullu

Ataatsimiititamit pingaarnersiorneqassasoq kommunalbestyrelsimillu akuersissutigineqassasoq tunngaviussaaq.

Periarfissat marluusut aningaasaqarnikkut sukumiisumik saqqummersinneqarneri ilanngussaq 2-mi takuneqarsinnaapput.

### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivimmit naliliineq naapertorlugu, Suliffeqarnermut Isumaginninnermullu Ataatsimiititamit siunnersuut 1 toqqarneqassappat, aningaasaliissutaareersut iluini nussuinikkut annertunerusumik aningaasaliisoqarnissaa pisariaqassaaq. Suliffeqarnermut Isumaginninnermullu Ataatsimiititamit siunnersuut 2 toqqarneqassappat, missingersuusiornikkut siunertamut immikkut aningaasaliisoqarnissaa pisariaqassaaq. Tamanna toqqarneqassappat Suliffeqarnermut Isumaginninnermullu Ingerlatsivimmit missingersuutissatut siunnersuut nassiunneqarpoq.

### **Suliffeqarfimmut Kiffartuussivimmit aningaasatigut naliliineq**

Iluseq 2 aalajangiunneqassappat 2025-mut missingersuutilerinissamat ilaatinneqarnissaa eqqaassanngikkaanni allamik oqaaseqaatissaqartoqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Resultatkontrakt mellem Kommuneqarfik Sermersooq og Grønlands Selvstyre om drift af Majoriaq 2022-2024

### **Siusinnerusukkat aalajangiinerit**

*Suliffeqarnermut Isumaginninnermullu Ataatsimiititaq, 06.08.24:*

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

1. periarfissaq 1, tassa Tasiilami Piorsaavik aamma Paamiuni Piorsaavik atorunnaarsinneqarnissaat akuersissutigineqassasoq
2. periarfissaq 2, tassa Piorsaaviit tamarmik ingerlatiinnarneqarnissaat akuersissutigineqassasoq
3. suliaq Aningaasaqarnermut Inuussutissarsiornermullu Ataatsimiititamit Kommunalbestyrelsimillu aalajangiiffigisassanngorlugu ingerlateqqinneqassasoq

Inassuteqaat akuersissutigineqarpoq, ima ilassuteqaatitalerlugu: Periarfissaq 1 akuerineqarpoq, Periarfissaq 2 akuerineqanngilaq, Periarfissaq 3 akuerineqarpoq.

*Aningaasaqarnermut Inuussutissarsiornermullu Ataatsimiititaq, 19.08.24:*

Inassuteqaat akuersissutigineqarpoq.

### **Ilanngussat**

1. Sannavinnut ingerlatsinermut tapiissutit pillugit nalunaarutit 2025-miit tunisassiornermut assingusumik atuarfinnut nuutsinneqassapput
2. Kisitsisit pingaarnerit aamma aningaasaqarneq

## **Punkt 18: Piffissap ilaannaanik atuinermut pilersaarut pillugu siunnersuut**

### **Beslutning**

Siunnersuut akuersissutigineqarpoq, sulianullu ingerlareersunut ilanngunneqarnissaa siunertaralugu ingerlatsivinnut susassaqtunut ingerlateqqinneqarpoq.

## Piffissap ilaannaanik atuinnermut pilersaarut pillugu siunnersuut

Kommunalbestyrelsimut ilaasortap Poul Petersenip (D) Kommunalbestyrelsimut siunnersuutaa

Aalajangiiffigisassaq

SagsID.: EMN-2023-00892

### Inassuteqaat

Kommunalbestyrelsimi ilaasortamit Poul Petersenimit Kommunalbestyrelsimut inassuteqaatigineqarpoq:

- siunnersuut Kommunalbestyrelsimi oqallisigineqassasoq suliallu ingerlateriaqqinnissaa aalajangiiffigineqassasoq

### Suliassamik saqqummiussineq

Kommunalbestyrelsimi ilaasortap Poul Petersen (D) februaarip 12-ianni 2023 Meeqqanut Atuarfeqarnermullu Ataatsimiititamut kiisalu Suliffeqarnermut Isumaginninnermullu Ataatsimiititamut aalajangiiffigisassaatur siunnersuummik nassiussivoq. Ulloq maajip 8-ni 2023-mi Suliffeqarnermut Isumaginninnermullu Ataatsimiititami aalajangiineq pivoq, tassa *Siunnersuut akuersissutigineqarpoq kiisalu siunnersuut HR-afdelingimut misissuiffigisassanngorlugu ingerlateqqinneqarnissaa aaliangiunneqarluni.*

Maanna allaffissornikkut naliliineq pivoq, tassa Suliffeqarfimmut Kiffartuussivimmi sulinnermut tunngatillugu ataatsimiititani susassaqtuni aalajangiisoqarnissaanut tunngavissaqartoqanngitsaq. Tamanna pillugu suliaq kommunalbestyrelsimut maanna saqqummiunneqarpoq.

### Tunngavilersuut:

(Kommuneqarfik Sermersuumiit nutserneqarsimasoq)

*“Siunnersuutiginiarpara Suliffeqarnermut Isumaginninnermullu ataatsimiititaq Meeqqanut Atuarfeqarnermullu ataatsimiititaq, ingerlatsiviit peqatigalugit, misiliummik aallartitsisoqarnissaanik misissuissasut, tassani sapaatip akunneranut ullut suliffiit sisamat ullullu sulinnigiffiusut pingasut imaluunniit akunnerit 40-t assersuutigalugu akunnernut 37-nut appartinneqarsinnaanersut.*

*Sapaatip akunneranut ulluni sisamani sulisarnissaq pitsaasuussava, ataatsimulli isigalugu akunnerit taakku sulisarluni, soorlu nalinginnaasumik sapaatip akunneranut ulluni tallimani sulisarnertut?*

*Misiliutaasumik aaqqissuussinissamut siunnersuuteqarnissatsinnut tapersorsorneqarnissara neriuutigivara, tassani ingerlatsiviup ataani sulisuvut ulluni tallimani akunnerit suliffiit ullunut sisamanut agguataarsinnaavaat. Sulisutta namminneq inuuneqarnerminnut aamma suliffeqarnerminnut tunngatillugu annerusumik angusaqarsinnaanerat periarfissaalluartutut isigaarput, aamma Kommuneqarfik Sermersooq taamaalilluni suliffigissallugu nuannernerulerlunilu pilerinarnerulissaaq.*

*Suliatigut peqatigiiffiit aamma aqutsisunut kattuffiit aaqqissuussaq pillugu oqallisigeqatiginissaannut aggersaasoqarnissaa aallaavigivara.*

*Siullermik misiliutaasumik aaqqissuussaq isumaqarpunga ulluunerani meeqqerivinni marlunni pissasoq (Nuummi Paamiunilu/Tasiilaq) taakkulu saniatigut aamma utoqqarnut tunngasut ilanngullugit, tamannalu misiliutaasumik ingerlatsiffiusuni piumassuseq malillugu ingerlanneqassaaq, tassa ullut suliffiit sisamaassanersut imaluunniit tallimaassanersut.*

*Ulluunerani paaqqinnittarfiit utoqqarnillu sullissiviit sulisoqarniarneq eqqarsaatigalugu assut ajornartorsiorfiupput. Allaat naammattunik sulisussarsiorniarneq taartaasartussanillu pissarsiniartarneq assut ajornartorsiutigivarput.*

*Pisariillisaanerusinnaaneq iluaqutitalimmik misissorsinnaavarput. Akisuallaarnissaanik tunngavilersuuteqarneq unittoorfiginaveersaassavarput, taamaattumik siullertut innersuussutigalugu kajumissaarutigissavara suliniummik aallartitsinissatsinni suliassaqarfik ataaseq tamaviaarfiunerpaaq aallarniutigissagipput tassanilu nammitsinnik misilittakkatsinnik pilersitsilluta.*

*Sulimi akunnerni ikinnerusuni sulisarnerup inuiaqatigiinnut aningaasaqarnikkut qanoq iluaqutissartaqarnersoq misissuiffigineqanngilaq.*

*Nukissaq annertooq nammineq piumassutsimut atorneqarsinnaava? Ilaqtariinnermut meeqqanullu piffissaqarnerunerneq? Suliffeqarfinni angusaqarnerunerneq ingerlalluarnerunerlu annertunerusumik naammassisaqarluni? Tamakku pitsaanerusumik aningaasaqarnermut tunngavissaalluarnissaat qularutissaanngilaq. Piffissap suliffiusussap qanoq inissinneqarnissaanut tunngatillugu aalajangersimasumik politikikkukut aalajangiisoqanngilaq, kisianni suliffimmi atugarliornermut ersiutaasut iliuuseqarfivavut eqqumaffigineqarnerulernissaat eqqartorneqartarnissaallu ammaanniarnissaa siunertaralugu.”*

### **Siunnersuut qanoq aningaasalerneqassava?**

Siunnersuuteqartup tamanna erseqqissaatiginngilaa.

### **Inatsisitigut tunngavissaq allakkallu tunngaviusumik uppernarsaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaqarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Sulianut aalajangiiffigisassatut siunnersuutinut ilanngunneqarsimasunut aamma tamanna atuuppoq

### **Siuserusukkut aalajangiinerit**

*Meeqqanut Atuarfeqarnermullu Ataatsimiititaq, 17.04.23:*

Suliffeqarnermut Isumaginninnermullu Ataatsimiititami ataatsimiinnermi siunnersuutip eqqartorneqarnissaa utaqqineqassaaq, ataatsimiititami ilaasortat qanoq aaliangernersut suliap ingerlariaqqinnissaanut apeqqutaatinneqassalluni.

*Suliffeqarnermut Isumaginninnermullu Ataatsimiititaq, 08.05.23:*

Siunnersuut akuersissutigineqarpoq kiisalu siunnersuut HR-afdelingimut misissuiffigisassanngorlugu ingerlateqqinneqarnissaa aaliangiunneqarluni.



**Ilanngussat**  
Soqanngilaq.

# **Punkt 19T: Oqaluuserisassanut tapiliusseq: Inuusuttut Kommunalbestyrelsiata innersuussutaa: Pimmatiginnittarneq pinaveersaartinniarlugu sulisunik piginnaanngorsaaneq**

## **Beslutning**

Inassuteqaat akuersissutigineqarpoq.

## **Bilag**

InuuKombest-Ungkombest-2023 - 2024

Meeqqanut Atuarfeqarnermullu Ingerlatsivimmit suliamut tunngasumik naliliineq



# Inuusuttut Kommunalbestyrelsiata innersuussutaa: Pimmatiginnittarneq pinaveersaartinniarlugu sulisunik piginnaangorsaaneq

Meeqqanut Atuarfeqarfimmilu Ingerlatsivimmiit naliliinertalik

Aalajangiiffigisassaq

SagsID.: EMN-2023-02418

Suliffeqarfimmut Kiffartuussivik – kommunaldirektøri Ole Jakobsen / OJAK

## Innersuussut

Suliffeqarfimmut Kiffartuussivimmit Kommunalbestyrelsimut inassuteqaatigineqarpoq:

1. Meeqqanut Atuarfeqarnermullu Ingerlatsivimmi massakkut suliaq pillugu ilisimatitsissut tusaatissatut tiguneqassasoq
2. ilaatigut ulluunerani neqeroorutini, atuareernerup kingorna paaqqinnittarfinni aamma sunngiffimmi klubini sulisut ilinniarsimangitsut piginnaanerisa ineriartortinneqaannarnissaat 2025-mut missingersuusiornermut ingerlatsinermut ilanngunneqarnissaat akuersissutigineqassasoq

## Suliasamik saqqummiussineq

Meeqqanut Atuarfeqarnermullu Ingerlatsivimmit suliamut tunngasumik naliliineq:

InuusKombest-imit inassuteqaatigineqartoq Meeqqanut Atuarfeqarnermullu Ingerlatsivimmit isumaqatigineqartorujussuuvoq, aamma pimmatiginninnermik pitsaaliuineq immikkut ukkatarisassatut pingaaruteqarsoraat, pimmatiginninner atugarissaarnermut ilikkagaqartarnermullu annertoorujussuarmik kinguneqartarmat. Kommuneqarfik Sermersuumi HBSC-mi paasissutissat takutippaat, kommunimi atuarfinni tamani kiserliorneq aamma pimmatiginnittarneq pisarteq. Taamaattumik pimmatiginninnermik pitsaaliuineq Peqqinnermik Siuarsaanermut Pitsaaliuinnermullu Periusissiami anguniagaqarluni immikkut ukkatarisassatut ersersinneqarpoq, tamanna politikikkikkut 2024-mi akuerineqarpoq.

Suliniutinut ilaatigut ilaapput pimmatiginnittarnermut pinaveersaartitsinermut suliniutip aaqjissuussaalluartup allaaserineqarnera, suliarineqalereersoq, aamma 2026 angutinnagu atuarfiit, atuareernerup kingorna ornittakkat, aamma atuarfiit angerlarsimaffii tamarmik pimmatiginninnermut politikkeqalissasut. Najukkami suliniutinik ataavartumik nalilersuisoqartarpoq, meeqqat pimmatigineqartutut aamma kiserliortutut misigisartut amerlassusaasa appartinneqarnissaat ukkatarineqarpoq, HBSC-it paasissutissat tunngavigalugit.

Meeqperiviit aamma fritidshjemmit pimmatiginninnermik akiuniarnermik ingerlataqarput aammalu pitsaasumik ataatsimoornermik nukittorsaasuullutik, pimmatiginninnermik isiginnittariaatsimut perusermik ataatsimik malinnippat aamma allanik periutsinik soorlu Kammagiittatut ittunik atuillutik. Peqqissutsimut pinaveersaartitsinermullu siunnersortit, meeqperiviit aamma atuareernerup kingorna ornittakkat akornanni qanimut suleqatigiittoqarpoq aamma paasissutissat ukiup marlukkaarlugit katersorneqartartut aqutugalugit ineriartorneq malinnaaffigineqarpoq.

Ingerlatsivimmit meeqqanik qanimut sullissisut qanimut suleqatigineqarput aamma piginnaangorsarnissamik neqerooruteqartarput, "pimmatiginninnermut isiginnittariaaseq" pillugu saqqummiussisarput, workshoppertitsisarput, pimmatiginninnermillu akiuniarnermut periusissianik sulianut tapersersuisoqarpoq. Immikkoortunut tamanut angummanniarneq ajornarsinnaamat atuarfinni, meeqperivinni aamma atuareernerup kingorna ornittakkani pimmatiginnittarnermut akiuniarneq patajaallisarniarlugu peqqissutsimut pinaveersaartitsinermullu siunnersortinik allanik marlunnik atorfinitsitsinissamut 2025-mut missingersuusiornermut qinnuteqartoqarpoq.

Pimmatiginnittarnermut pinaveersaartitsinermik suliaqarneq pimoorunniarlugu Ingerlatsivimmit naliiisoqarpoq, meeqperivinni aamma atuareernerup kingorna ornittakkani sulisunik



ilinniarsimangitsunik ataavartumik piginnaanngorsaannermut aningaasanik immikkoortitsisoqartariaqartoq, pissutigalugu pimmatiginnittarnerup paasisinnaanissaanut aamma pinaveersaartitsinermut akisussaaffimmik tigusinissamut tunngaviusumik perorsaaneq aamma meeqqanut isiginnittariaaseq pillugit ilisimasat pingaaruteqarmata.

### **Ingerlatsivimmit aningaasatigut sulisoqarnikkullu naliliinerit**

Pimmatiginnittarnermut pinaveersaartitsinermit suliaqarneq pimoorunniarlugu Ingerlatsivimmit naliliisoqarpoq, meeqqerivinni aamma atuareernerup kingorna ornittakkani sulisunik ilinniarsimangitsunik ataavartumik piginnaanngorsaannermut aningaasanik immikkoortitsisoqartariaqartoq, pissutigalugu pimmatiginnittarnerup paasisinnaanissaanut aamma pinaveersaartitsinermut akisussaaffimmik tigusinissamut tunngaviusumik perorsaaneq aamma meeqqanut isiginnittariaaseq pillugit ilisimasat pingaaruteqarmata.

### **Suliffeqarfimmut Kiffartuussivimmit aningaasatigut naliliineq**

Piginnaasanik inerisaanermi ingerlatsinerit sorliit neqerooruteqartitsissutigineqassanersut Suliffeqarfimmut Kiffartuussiviup paaserusuppaa, aammalu sulisut ilinniarsimangitsut qassit piginnaanngorsaaqqinnermi peqataassanersut, aammalu peqataasussat suminngaanneersuussanersut. Tamakkua paaserusunneqarput pitsaasumik aningaasatigut missiliuusiortoqarniassamat.

### **Inatsisitigut tunngavissaq allakkallu tunngaviusumik uppersaatiillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Peqqinnermik siuarsaataasunik aamma pitsaaliuinnermi periuseq

### **Ilanngussat**

1. InuuKombest-Ungkombest-2023 - 2024
2. Meeqqanut Atuarfeqarnermullu Ingerlatsivimmit suliamut tunngasumik naliliineq

## **Punkt 20: Lukket**

## **Punkt 21: Lukket**

## **Punkt 22: Lukket**

## **Punkt 23: Lukket**

## **Punkt 24T: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15.30.